



Mag. St. Dr.

19527

19528

P



Bd. II. 36. a. 6. VI. f. 16. a. 8.

MICHALONIS LITVANI
**DE MORIBVS
TARTARORVM,
LITVANORVM ET MOS-
CHORVM, FRAGMINA X.
multiplici Historia
referta.**

ET,

IOHAN. LASICII POLONI
**DE DIIS SAMAGITARVM,
CÆTERORVMQ. SARMATARVM,
ET FALSORVM CHRISTIANORVM,**

Item

**DE RELIGIONE ARMENIORVM.
Et de initio Regiminis Stephani
Batorij.**

Nunc primum per

I. IAC. GRASSERVM, C. P.

ex Manuscripto Authenticæ edidit.




**BASILEÆ,
Apud CONRADVM WALDKIRCHIVM.
M DC. XV.**



ILLVSTRISSIMO DOMINO,
OCTAVIANO ALEXANDRO,
PRINCIPI PRONSCENSI,
DOMINO IN BERESTETZKO,
ET RHEZAN, &c.

DOMINO MEO GRATIOSISSIMO.



QVOTIES Heroicum tuum animum, ILLV-
STRISSE PRINCEPS, in familiari
illa conuersatione, quae, rerum Theologi-
carum & Historicarum igitur, perquam
gratiosè haëtenus dignatus es, tacitus mecum
arbitror & suspicio, non possum non diuina
illius meminisse sententia, Magnum Virtutis principium, vt
paulatim exercitatus animus, visibilia & transitoria pri-
mum commutare, vt postmodum possit derelinquere.
Delicatus ille est adhuc, cui Patria dulcis, fortis autem
cui omne solum Patria, perfectus verò cui mundus exi-
lium est. Patria enim, quae te in clarissimorum Magnatum si-
nu quam splendidissimè fouisset, tenerrima adhuc ætatis Ado-
lescens, cum D. LV LIO, fratre tuo unico, quem Deus ad cale-
stem Patriam ante biennium Massilia euocauit, discedens, non
modo ex remotissima Polonia prouincia, in supremos hos Ger-
mania fines profectus es, ubi omnium Facultatum celeberrimorum
Doctorum Lectiones, Disputationes, & Promotiones,

Hugo de san
Eto Vistore
in Didasc.
l. 3. c. 2.

BIBLIOTHECA
VNIV. MAGELL.
CRACOVENSIS

19528, I

DEDICATIO.

que singulari quodam fato Basilea sunt creberrima, tanto egregia quavis discendi studio annis aliquot frequentasti, ut Ecclesis illis, quas Deus in Dominis tuis Amplissimis sibi collegit, gratulari merito possimus, Euergetem illas habituras, qui in Virtute & Doctrina multiplex, ipsis quam optime sit prospecturus: sed & Gallias, Italiam, & ad Balearicas usq; Insulas Hispaniam tanta felicitate perlustrasti, ut pro ingenij tui sublimitate illarum regionum, Linguarum aequè ac morum, legumq; singularem & admirandam prorsus acquisueris notitiam.

Efficacissimum autem ad huiusmodi Heroicos ausus incensivum fuit, Maiorum Tuorum religiosa memoria. Quantus enim, Deus bone, Titavitui Pater fuit, RVRICVS, potentissimus ille totius RVSSIAE Princeps, qui duodecim suis filijs, septem Amplissimos Ducatus reliquit, Kyouiensem nempe, Vlodimiriensem, Halicensem, Czemiechouiensem, Preaslauensem, Rhexanensem, & Pronscensem.

Tritavius tuus, quod cum Rhexanense celeberrimum Pronscensem Ducatum possedisset, illustrissimum illud PRONSCLE nomen in hunc usq; aem posteris reliquit.

Atavius tuus GEORGIVM PRONSCIVM, Casimirus Magnus, Poloniae Rex tanti fecit, ut illum, cum apud Tartarorum Ducem detineretur, augustissima Legatione liberaret, & quam honorifice Vilnam in Lituaniam deduceret, eumq; contra Moscum cum exercitu mitteret, ipsi etiam pro impetrata victoria, & alijs singularibus praestitis patriae officijs, communi totius Regni suffragio, amplissima Dominia donaret. Duxit ille serenissimam Principem Solomiriensem, Heroinam laudatissimam.

Frater eius, cuius iniuriis in diuisione hereditatis animosè restitit, Magni Moscorum Ducis sororem duxit, ex qua duos reliquit filios, ex quorum posteris vnus, superiore saeculo proprijs sumptibus tria millia Equitum, contra Stephanum Batorium Magni Moscorum Duci in auxilium adduxit.

Dice-

DEDICATIO.

Dicebantur hi duo fratres, ut & ipsorum Maiores, Magni Duces Pronscenses, ut ex pactis & privilegijs Lituaniae Cancellaria abundè probat: Pacta enim & foedera Duces Pronscenses cum Polonia Regibus pepigerant.

Abavius tuus Hleba, uxorem habuit filiam Tinonis Vilnensis ex familia Podbipentorum, qui contra Tartaros fortissimè dimicans, prope Mynscium obiit.

Proavius tuus, Urbis Baiatae Cerkiev, fundator, pro praestitis Reipublica Polonica varijs beneficijs Palatinatum Kyouiensem & aliquot in Russia sinibus praefecturas meritus est.

Avus tuus Fridericus, Palatinus Kyouienensis, duxit Bogusli Bohouitini, Magni Lituaniae Ducatus Thesaurary, Viri Maximi, & apud exteros Principes acceptissimi filiam, cuius soror Tenczynio Palatino Cracouiesi primò, deinde Principi Radziulio Palatino Vilnensi nupsit, ex quo, Deo ita benedicente, Ioannem qui in Dania obiit, & Illustrissimorum Principum Sclucensium, Georgij videlicet, Simonis & Alexandri matrem progeniuit.

Aui huius tui Gener fuit celeberrimus ille Regni vestri Senator D. Ioannes Zboronius, Castellanus Gnesnensis, cuius industria Rex Stephanus Batorius feliciter in bello Dantiscano usus est.

Pater verò tuus Alexander Princeps Pronscensis, omnes penè Adolescentia & Iuuentutis suae annos hinc inde apud exteros peregit, linguis, bonis artibus & moribus, ac omnigena Virtuti, naturali quodam instinctu deditissimus, ac propterea non minus litterarum ac litteratorum, quam omnium omnino in quacunque salutaris scientia excellentium per totam suam vitam Mecenas, & Patronus cum admiratione summus: ubi verò ad perfectiorem progressus est aetatem, Heroicarum Virtutum suarum primordia, in aula Caroli IX. Francorum Regis, quasi in amplissimo mundi Theatro, diuersis conspicienda exhibuit nationibus.

):(3

DEDICATIO.

Electiois noui Regis tempore in Poloniam reuersus, ob amorem Patrie, & maximarum Virtutum diuinam perfectionem, quā omnes Regni Praecones mirabantur, in senatoriū ordinem ascitus, Castellanus Trocensis factus, & unanimi Magni Ducatus Lituania consensu, cum Palatino Vilnēsi Legatus in Gallias electus est, ut Henricum Regem peteret, & in Polonia Regnum deduceret, apud quem quanta polluerit gratia, nemo est in tota Polonia qui ignoret.

Quam promptus autem ille fuerit ad quaeuis Patriae prestanda officia, testatur Poloczko, Pskoua, &c. dum proprio sumptu militem satis numerosum Regi Stephano adduxit. Nec vlla unquam Tartarorum contigit incursio qua non fortiter heroicam suam frontem ostenderit, patriae salutem non consilijs modò, sed suis manibus strenuè defendens. Testatur hoc tota Volinia & Russia: testatur Olisko, ubi exigua suorum militum & Aulicorum manu, cohortes Tartaricas inuasit, & per duas horas praeliando, re inter ceteros hostes Polyphemum quendam Tartarum, furiosè sese defendentem, proprijs manib. occidit, victoriāq. potitus est.

Extollit illustrissimum huius Alexandri nomen Redka, ubi hostium quam plurimos cepit: Trophaea meditatur Beresteczko. Norunt etiam alia quam plurima loca, quā cautè vigilans Tartarus, ubi Heroem Pronscium appropinquasse intellexit.

Vi semel autem omnia dicam, nullam unquam pientissimus tuus Pater, de Patria, quin uniuerso Christiano orbe bene merendi, & infideles Barbaros domandi intermisit occasionem. non sumptuum magnitudini, non capiti proprio pepercit. Totum se suasq. res omnes Deo & Patriae, animo quā religiosissimo semper consecrauit.

Laudatissimis huiusmodi Maiorum tuorum vestigijs, ut in-sistas sedulo, Affinis tui desideratissimi, Illustris & Magnifici Herois D. RAPHAELIS LESCINII, Comitum de Lesno &c: Palatinidis Prestensis, Cuiaviensis, Castelani Vislicensis &c: hortatur

DEDICATIO.

hortatur & illicit exemplum, qui inter Regni vestri Proceres, Virtute & Eruditione eminentissimus, singulari studio, Dei gloriam, Ecclesiae Pacem, & Reipub. felicitatem vsq. & vsque promouet.

Quando verò illustrissime Princeps, Germanorum, Gallorum, Itatorum & Hispanorum ingenia & mores inspexisti haecenus prudentissimè, & post reditum tuum in Patriam, quem nunc destinās, procul dubio cum Tartaris & Moscis nonnunquam sis armis congressurus, opusculum hoc, quo huiusmodi hostium vita describitur fidelissimè, inchyto tuo nomini inscribere & consecrare meritò volui. Prior autem libellus anno 1550. in gratiam Sigismundi Augusti, Polonia Regnum suscipientis, aliter verò anno 1580. Alexandri Ducis Sclucensis conscriptus fuit. Deprehendi utrumque manuscriptum apud Amicum quendam inter chartas celeberrimi quondam nostri Typographi Petri Perna, cui ut ederetur, ex Polonia missus fuit.

Suscipe ergo Musas, Regi maximo, & Principi tibi agnato quondam consecratas, suscipe Musas rediuiuas ex Polonia olim Basileam missas, ut lucem viderent publicam. Faucat Deus Optimus & Maximus Tutelaris, omini, quod felicissimum auguror, quando vel Opusculi huius Genius, non nisi tecum, & sub Illustrissimi tui Nominis auspicijs, in Patriam redire voluerit. Vale Princeps Illustrissime. Basilea Kal. Octob. 1614.

Illustrissimi tui Nominis

studiofissimus

IOHAN. IACOBVS
GRASSERVS. C.P.



MICHALONIS LITVANI,
DE MORIBVS TARTARORVM,
LITVANORVM ET MOSCORVM,
 fragmina decem, multiplici
 Historia referta.

FRAGMEN PRIMVM.



AMETSI Tartari, barbari & inopes habeantur à nobis, gloriantur tamen continentia vitæ, & antiquitate gentis suæ Scythicæ, asseuerantes eam semen esse Abrahæ, & nemini seruiuisse vnquam, licet vexatam interdum ab Alexandro, Dario, Cyro, Xerxe alijsque Regibus & populis potentioribus: & varias nunc diuisam in Ordas, id est, nationes. Siquidem vltra vicinos nobis Precopenfes, complicesque eorum Belhorodenses, & Dobricenses Moldauicæ finium accolæ, Orde sunt potentes, Precopenfisbus infensæ, Orientem versus. Alia Nahai, alia Chastorakani, alia vltra amnem Tanaim, qui Volha appellatur, Zavvolſca, Cæſaris Bati Vngariæ vastatoris patria, Moschorum olim & omnium Ruthenorum dominatrix, Nahaiensibus nunc adhærens, alia Kozani, alia Kazaczka, item Buchar, Samarchan, & alia dicuntur plures, xii. Imperatoribus dispartitæ, vt promiserat Dominus progenitorum eorum Ismaëlem Genes. 17. duodecim duces generaturum, & euecturum in magnam gentem. Ex omnium autem nationum Tartaris soli tenuiores, sed regionibus nostris citimini Precopenfes, infesti sunt nobis, cum ignauia freti nostra tum vicinitate, locorumque opportunitate receptaculi sui. Habent verò Precopenfes receptaculum, suapte natura mu-

12. Orde
Tartarorum.

*Taurica
Chersonesus.*

nitum. Eacus enim duo palustres, quorum alter Meotis dicitur ex mari in continentem ad circiter triginta milliaria, in longum porrecti, & seorsum tantundem penè in initiis & progressu suo distantes: finibus verò ad inuicem reflexi, & angusto quodam interstitio sicco cohibiti quin congregarentur, desinentes: iunguntur ibi fossa & vallo altius exaggerato, complectente portam, quæ vnica est ingrediendi prouinciam illam per aridum. Vnde & Castellum ad portam illam situm, & tota sinu illo inclusa península, appellatur à nobis Prekop, cui Tauricæ aliàs nomen fuisse fertur: Incolatus verò & imperium Græcorum Trapezuntinorum, ut hucusque retinent Græci suam & ibi linguam Græcam & religionem. Adiacet autem península ea ipsa mari Pontico, quod illa ex parte pontus Euxinus dicitur, & quamuis munita sit situ, non adèd tamen illis suis, nec lacubus amplis, nec fossa nec vallo arduis, neque Castello firmo, ut arceretur à transitu exercitus paulò instructior. Et peruenitur ad portam Tauricæ unicam illam ab arcibus vltimis Lituaniæ Czerkasi & Braczlavv, diebus sex, graminosis semper & planissimis vbique campis, non monte interpolatis vsquam, non sylua non palude, nec amne transmissu difficili, præter Borysthenem. Sic enim ipsa Taurica citra Alpes & maritima, quæ montosa passim, habet & syluosa, & quæ nunc ab Aboriginibus Græcis inhabitantur, aliàs verò, tota est campestris, Tartaris illic incolatum præstans, & ubique victui mortalium commoda & facilis, facilis admodum Cerere, Libero, carne, & sale. Siquidem sal ibi in lacunis, quibusdam aquis in se, ad instar glaciei, à calore solis concretis nascitur, à solsticio æstiuale copiosus & pellucidus, nonnullibi ut crystallus. Et frumentum omne, ac vnam vini generat ibi copiosè tellus, semel subacta, & fronde occata vtrunq; Pecora item & iumenta hyeme quoque in pascuis, & sub dio semper fouet læta, quæ etiam fatigis exinanita macilentia & strigosa, postquam abijciuntur, ibi in campo repinguescunt. herba floccida, calcitrata ex niuibz quæ sita, haud infelicius quam melioribus pabulis & sub recto apud nos. Quoniam & celum ibi est aliquanto clementius, & terra vbi cænosa ibi salsa, & herbæ genus lapidius quoddam, semper virens, & mixum in modum iu-

*Solum Tau-
rige.*

menta

menta vegetans, quod appellatur Tipecz. Vnde tantam olim frequentiam incolarum fuisse ibi memoratur, quod singulæ quædam illic ex vrbibus Græcorum, millena habuerint templa, & clero interim insolenti adèd, quod non nisi equites ingrederentur sanctoria antistites & Archimandritæ eorum. Atque nunc etiam vrbes ibi nonnullæ quamuis pessundatæ, amplitudine tamen ambituum suorum & ruinarum, superbæ olim fuisse apparerent, & præsertim quæ à nobis Solhorh, à Moscis Krym, à Græcis Theodosia appellabatur quondam, & metropolis verusta Korsunij, quæ genti Ruthenorum princeps dedit baptismum & nomen Christianum, postea verò prædam gentibus nostris, excisa ab eis. Vnde Kiovvia nostra in templorum suorum lichostrophis, asarotis, & incrustamentis, retinet hucusque certa prædæ illius insignia, è quibus & Gnesnensi Basilicæ valuam largita est. Et illa ipsa Korsunij tractata sic à nostris, dedisse fertur iactura sua necessitatem Tauricenses Christianis, luxui & ignauia deditis, recipiendi in suppetias ad feudalem incolatum, reprimendis gentibus nostris, manum Tartarorum ex Orda Zavvolska adscitam. Et sensim deinde inualescens ibi illa Tartarorum vis, ad iustumque populi examen propagata, protulerit sibi in principem Temirkuthla quendam sanguinis sui, appellato eo Cæsare. At progenitores S. Mtis Vestræ perdomitis Cæsarianis illis, iniquis Græcorum Vassallis, dabant eis in Cæsares, subditos suos hinc ex Lituania Tartaros. Vltimus verò ex Lituania Cæsarum Aczkirei, hic apud Troki natus, & hinc à divo Withovvdo ad imperium illud missus, genuit imperans ibi in Taurica filium Menglikirei. Menglikirei verò modernum Cæsarem Sapkirei & fratres eius natu & imperio priores, Machmethkirei, Saderkirei & Chaskirei. Sic enim nobili recepta hinc progenitoris sui nomenclatura, gaudet nunc omnis sequens eum in fascibus illis posteritas. Hæc igitur est Kireorum stirps, dextra forti progenitorum S. Mtis Vestræ ibi plantata, quæ nunc referendo gratiam prouectionis suæ, iuge faciat nobis negotium. Atque vigente sic Taurica & populo & imperio iam aduenarum: vrbes tamen eius Mancup, Cassa, Kercze, Kozlevv, & aliæ maritimæ, seruauerant se immunes ab illis, donec Turcica manu, opi-

*Christiani
in Taurica.*

*Tartari in
Tauricam
acciti.*

*Vixit Vl-
condus
1380.*

Conditio
Græcorum
in Taurica.

bus Constantinopolitanis exaucta, caperentur ab annis hinc circiter septuaginta. Et illinc missi sub iugum Turcæ, pendunt ei census, à capitibus suis singuli illic Aboriginum Græcorum superstitēs. Qui tamen & nunc agricolæ, videlicet vinitores & pastores, non inopes sint, imò etiam non sine argentea suppellectili plerique, utpote in tranquillitate & iusticia publica, rationaliore Ethnicorum administratu viuentes, minus tamen incundam agunt ibi vitam. Quippe, qui nullo honore digni, imò nullius omnino reputationis habentur à potioribus rerum Machometicis, ac omni illorum nedum commercio, sed & intuitu non toruo dedignantur, angarianturque laboribus, dominicis præsertim, ac etiam Paschalibus diebus, ipsimet argenteæ suppellectilis domini. Nequaquam enim retinet auctoritatem ibi Christianus, nec in seruum nec in filium paulò proteruiorem, qui scilicet Magistratui se præsentandum duxerit semel. Atque etiam ipsi patrifamiliās mutandus est status, si desertur præsumpisse de religione ipsorum quicquam verbo, aut saltem digito uno, & minus etiam seridò protenso.

Iam verò quàm inconstans sit vicissitudo rerū, vel ipsa sufficit indicio Taurica, videns nunc mutatum sic popularium suorum statum, & patritiorum superstitēs, honore, libertate simul ac patribus orbatos, in servitutem redactos, spreto, capite diminutos, capiteque censos Machometicis, & antistites illos, insolentes quondam ecclesiarum Dei contemptores, contemptos nunc ipsos, & abiectos, obreptare sub trucibus Tartaris & Turcis. Urbes quoque suas opibus immensis, superbia, læticia, ac omni luxuriæ strepitu perfunctas, dehiscere nunc plerasque inanes, ceteras verò solo æquatas, obsoletis iam & nominibus; & imperitare nūc sibi, non Christianos nobiles, & natiuos suos patronos, sed peregrinam Ethnicam, ac non ita pridem servitute emerſam, atque & imperio simul, & libertate donatam hinc Vasalorum stirpem. Ad eò verò increbuere in Taurica Tartari, quod circiter triginta millium exercitum compleant ad bellum, sed coacti, ut solent vniuersi, & gregarij ac imbelles, quicunque saltem valeant conscendere equum. Ut me præſente ibi, dum medietatem eorum, & filium suum mitteret Cæsar, in subsidia Turcæ profici-

Numerus
Tartarorum
Tauricanorum.

ſcenti nouissimè in Vugariam, quindecim millia eorum tunc enumerata sunt. Proficiscebantur autem quamvis lectiores illi, consueto tamen apparatu suo, inermes videlicet plerique, & vix decimus aut vigesimus quisque eorum pharetra fultus aut framea, lorica vero multo rarior; sed alij scipionibus saltem muniti osseis, alij ligneis, alij vacuis telorum accincti vaginis. Clypeorum autem & haltarum, vel huiusmodi armorum generis, expertes penitus. Sic enim semper illi, nec armis, & nec cibarijs præter non nihil milij toſti, aut casei comminuti, & neque ullis onerantur impendiò ad bellum impedimentis. Verum tamen nemo illorum, sine pluribus recentibusque loris proficiscitur, & præsertim quando nostras excursandum est eis in regiones. Quoniam tunc solliciti sunt vinculorum, ad vincendum membra nostra, plus quam armorum ad tutandum sua. Equorum vero semper fulciuntur ad bellum copia, ut magna pars exercitus eorum, qui nos singuli ducunt equos, eosque intactos. Vnde excursions & omne iter, crebra huiusmodi equorum mutatione freti velocius perficiunt, & hostem insequentem se effugiunt facilius, ac etiam terrefactant amplitudine vestigiū sui, & non metuant ipsi in copia eorum fatigam nec famem. Præstant etiam in bello tolerantia, famis, sitis, fatigæ, peruiigilij, æstus, algoris, & omnis inclemetiæ cælestis omniumque ærumnarum. Nam expeditiones bellicas perficiunt absque curribus semper, & absque omni commeatu, præter illam quam dixi equorum copiam. Solitudines item camporum vastas, inuias, brumali etiam tempore, altitudine niuium & pruinis acerbis, quamvis excoriatis dura niue & glacie equorum cruribus, haud ægrè tamen & haud grauatim superant. Amnes amplos rapidos, atque hiberno etiam rigore, Aquilonumque & glacierum fragoribus horridè stridentes & traiectu difficiles, absque tamē nauigijs, sed saltem equorum ipsi iubis adnixi, sarcinis vero ad caudas super tignis, seu arundinum fasciculis alligatis, tranſcò incunctanter expeditè & promptè transmittunt. Et in prælio pugnant, fortius multo quam Moschovitæ, quamvis minus armati, & semper primo in congressu, sinistrum aduersi exercitus, conantur occupare cornū, quo dexterius ipsi petant sagittis. Sæpe quoque in fugam versi, terga dando, re-

Traiectus
fluviorum.

Tartari cre-
bro à Litua-
nia & Polo-
nis victi.

fistunt, & hostem insequentem se diffusum sparsim, interceptant ex insidijs, & sic eripiunt non nunquam victi victoribus victoriam. Quando verò præter technas & strategemata, sed recta & cominus, collatis signis, venit conferenda cum eis manus, prævalent tunc in eos pugnatōres nostri, etiam si non paulò pauciores fuerint. Id quod crebrius experti sumus, sub victoriosissimis vexillis diui parentis S. Maiestatis V. Nam & post infelicem Christianorum cum Machometicis, patruelis verò S. Maiestatis V. Regis Ludouici vltimam pugnam, mense quinto, calendis Februarijs, Anno Domini supra mille quingentos & viginti septimo in campis planis illis prope Czerkassi ad fluuium Olssanicza, viginti quinque millia illorum Precopensium Tartarorum cæsa sunt ad internecionem à nobis, qui non plures fuimus ibi, quam quingenti & ter mille. Et ante apud Kleczko, desiderata sunt septem & viginti millia eorum, prostrata à novem millibus nostrum. Ita quoque alias, & apud Davidis Castellum & apud Strefsino, Czezersko, Lepussno, & in campis etiam vastis illis, in Lebedino, & ad templum album, & ad fluuium Sula, & alijs in prælijs, quotquot æuo presenti fuerent genti nostræ cum illis, expertum est robustiores esse nostros. Nam & apud Sokal, non robore virium superatus, sed dolo & loci iniquitate circumuērus ab illis, succubuit exercitus noster, perductus insidiosè in aream oppidi recens exusti, crebris præcipitijs cellariorū, id est, antris, cauernis & cryptis subterraneis dehiscentem. Et illinc primū arrigi cæpit in nos cornu stirpis Kiriorum, perlatis sibi in Tauricam exuuijs cruētis militis nostri. Atq; deinde apud Oczakovv, tametsi fortis itidem ac etiam victor in illos fuerit miles noster, at imprudens interim, ut qui donauerit vltro victoriam victo Oslam Soltano, mittēs ad eum in Castellum duces suos colloqui gratia, ignarus, dictū esse, circa rem bellicam dolus an virtus quis in hoste requirat? Sic igitur semper robustiores fuere nostri Precopensibus, præter saltem technas, dolos & strategemata illorum. Vita autem Tartarorum, qua gloriantur, est prisca, pastoritia, quam olim in aurea ætate, sancti vixerunt patres, & ex qua Duces etiam eligebantur populis, regesq; & Prophetæ, dicente quodam eorum, tulit me domi-

Vita Tartarorum.

1519. mense
Augusto.

nus

nus cum sequeretur gregem eorum. Ita enim agunt hætenus Tartari, sequendo greges, & peragrandō cum eis campos hinc inde. Septa nulla habent, nec domos, præter tabernacula gestatoria, ex viminibus & arundinibus compactis, cilicijs velata, storeis, & mattis scirpeis munita, quæ vxoribus & pueris referta, vesticant secum in plaustris. Terram non colunt, etiam fertilissimam, contenti spontaneo fructu eius, herba ad pascendum pecus. Vnde iuxta Salomonis consilium, lacte solum absq; pane & sycera viuunt, sobrii & abstemij, cum lege quoque prohibitum habeant porum vini, ac esum suillæ. Et quamuis cæterorum pecorum ac iumentorum, etiam equorum vescantur carnibus, non tamen apud se, nisi penitus mortuis aut penè morticinis, parcendo scilicet viuidis gregum suorum. Nam in gregibus totam suam conditant substantiam. Nihil immobile possidentes priuatim præter puteos, & eos contribulibus quibusque communes. Mobilium etiam curæ, atque oneri non impendiō se applicant, præter, quotidianam & eam tenuem vtenfilium suppellectilem & equitatus, bellicæq; rei leuissimum etiā instrumentum, ad quod solum accurati sunt, præter verò id, ad aliud operis profani, alicui rei nauare operam, virum ingenuum dedecori habet, quo sedulius obsequundent præscripto legis suæ, vi & armis propagandæ. Atque in ea feritate nihil habent antiquius temperantia & continentia, viuuntque citra exuperantiam ac defectum vltimum omnes. Vnde quemadmodum in sacris litteris dicitur, scio & satiari & esurire & abundare & penuriam pati. Item qui multum, non abundauit: & modicum, qui non minorauit. Ita nunc in barbaris illis, nemo abundans suffocatur ingluuie, nec egens exstinguitur fame, neque algore conficitur, nemoq; mendicat in tanta eorum inopia & penuria rerum. Nam vt non frequens apud eos heluo: sic non fame laborans, nec mendicans nec fraudulentus, alieni haustor, nō litigator, nec iudex iniquus, non testis peruersus, non peierator, item non fur nec latro. Vnde minimè opus est apud eos angiquenquam sollicita rerum suarum custodia, nec se armis onerare domi ad priuatam sui defensionem. Nam iter habenti intra regionem eorum ferre telum, enorme & illicitum est. Sanctè enim colunt illi apud se pacem

Opes.

Labor.

*Iudices reli-
giōsi.*

& iustitiam, reddendo unicuique quod suum est, integrum non imminutum in gratiam magistratus, ex decimatu, nec vlllo alio nomine. Non quæstui etenim, sed pietati, impij ethnici illi habent iudicandi officium. Quod etiam est eis non laicum, sed religiosum, & per religiosos id exequuntur Cadios, qui eò religionis initiuntur, peculiariter secundum Iusiurandum, iam alioqui lecti tales, qui minimè inhient rebus profanis, de quibus alios iudicaturi sint. Et quo expeditius vigeat iustitia, nequaquam iudicium ibi protelatur subterfugijs cauillatorum, nec obtenditur calumnijs vitiligatorum. Siquidem reus diffugium caprās, dum per attractum oræ vestimenti sui, vocatus ab actore in iudicium non paruerit illico, extunc velut compertus iam in reatu vapulat. Verberatur enim fuste, certo & ex lege domini præscripto plagarum modo. Actori item & resti locus in iudicio non est, qui necessaria salutis non satis perfectè ex lege calleat, aut qui gustasse aliquando vinum seu alio notatus vicio deprehenditur.

*Magistratus
reuerentia.*

Parent quoque foro eidem, hoc est, Cadij iudicio, & proceres ac duces cum popularib. pariter & absq; discrimine, ac prætor summum principem, cuius Maiestati plus etiam quam humanæ deferunt, ipsi in vniuersum, atque ad vnum omnes vno eodemque iure viuunt. Item & habitu conformi & victu compari, reddunt se pariles, nefas videlicet & piaculum habentes, fuste etiam expiandum, præsumi à quoque gentis suæ, vt vestitu præcinctūve, aut pileo seu cæsarie vtatur, non suo patrio ac vetusto ritu: utve cibarium privatim à se promptum, non commune habeat unicuique præsentium, autumat illud esui parte ex aliqua patronus ipse prius, quàm expositum in medium, frustulatim fuerit concisum, & commistum diligentius, vt eadem scilicet cederet qualitate cuilibet præsentium. Et in itinere nedum viaticum commune habent, sed etiam inseruiant maiori natu aut imbecilliori cuilibet, alacrius vnus præ alio. Domi hospiti cuilibet obiterario etiam, & ignoto exponunt gratuito, & cibum & nidum, sed eminus à serie statuarum suarum. Quoniam aliàs non adeò iam sunt ciuiles, quippe qui foeminas suas ab hospite, amico etiam & conuiua quantumcunque gratioso, conspici nequaquam

*Hospitali-
tas.*

licitum habent, tenentq; miseras, caveis suis additionibus reclusas, & nedum conuiuiorum sed Synagogarum quoq; & omnis consuetudinis forensis penitus expertes, laborib. etiam omnib. sartorijs & futorijs reiectis in eas, sed neutrquam tamen inuitas. At ipsi interim non sunt contenti coniugijs earum, singuli sin- *Polygamia.* gulis, more hominum prisco, in hoc se iactantes, itidem & lege sua suadente vxores unicuiq; quaternas, & in singulas earum pellices denas. Et quo perfectiores præstent se viros, non diuitias quærunt sponfarum, nec species earum corporales, copulanturq; eis, minimè à se antea in facie visis, sed animis dūtaxat moribus, quæ earum exploratis, & non dedignantur in coniugia ancillas quodq; suas captiuas, ac emptitias. Vnde habet eas in matrimonijs constantes, morigeras, inuicem cōcordes, & pellicib. suis in gratiam maritalem æquanimis, item pudicas, vt inauditum sit pe- *Adulteria inaudita.* nitus in eis adulterij crimen, capitale alioqui, & nece expiandum illico. Et præterea, cum intelligant barbari illi, nihil salubrius esse gentibus virtute & disciplina militari, in arduitateque consistere virtutem: Ideo molliciem & voluptates auersando asperitati vitæ, nec non equitatu ob rem bellicam studeat ex infantia, & iam inde ab incunabulis gestantur inequitando, nec desuescunt equitare vel decrepiti. Vehiculi verò vsu vetuli quoque vel valetudinarij detestantur molliciem deuittando & parcendo equis. Parci enim sunt equorum, adeò quod Baro etiam eorum, equitet intra patriam solus, qui foris centenis concomitatur equitibus suis peculiaribus. Et mulier apud *Tamine bo- bus vehuntur.* illos etiam primaria, & vel Cæsaris necessaria regiam accessura, non verecundatur caueæ suæ obturatæ reclusa, auro vel gemmis intro nitens, boue vehi vno, aut propter plaustrigrossiciem duobus. Equum autem vel deterrimum iungi vehiculo, nefas est & religio cuilibet eorum, millenos etiam in equitijs suis habenti equos. Est autem vita hominum illorum tetrica, sic & austeravulgo eorum communis, at non Principib. Quoniam Principes *Vita Principum.* Scytharum in publica populorum suorum frugalitate ipsi lauitius interim viuunt. Vt Precopenfis modernus Cæsar, negotio bellico in filios nūc relecto, ipse propensus voluptatibus intendit, in topiarijs mulierum suarum, intra viridarium quoddam,

amoenitate loci, nec non ædificatu, cultu, herbarumque ac arborum varietate, & quincunciali earum situ elegans. Quo quidem in Paradiso suo, hospites etiam exceptat ille, conuiujs opiparis, licet ipse quidem velut fastidio & contemptu diuitiarum ligneis & fictilibus vescens ex vasculis, attamen auratis innitens puluinaris, & cubitis & pedibus ad argenteamq; discumbens mensam, aureis & gemmatis oneratam phialis & varijs lasciuiens dapibus, nec nō melodijs fidium, cymbalorum, Crotalorum, Psalmorum, alijsq; nugis ostentans delicias suas, liberiorq; licere sibi ea præsumens in publica populi continentia.

Populi.

Agunt verò populi Tartarici continenter auscultantes Sacrae Scripturae dicenti, Vinum non bibetis, domum non ædificabitis, sementem non seretis, vineas non plantabitis. Sed in tabernaculis habitabitis, ut viuatis diebus multis super faciem terræ. Sic ergo viuunt illi super faciem terræ diebus multis liberi, immunes, & ab ultimo sui excidio tuti semper. Dum delicijs contemptis, nihil fixum expugnationique obnoxium possidentes, tota ipsorum quocunque migrent commitetur eos substantia. Quam ideo fugitiuarij ipsi conditant sibi vniuersam in mobilibus, in mouentibus sese pecoribus ac etiam seruis.

Mercimonia mancipiorum.

Quanquam verò habeat Precopenfes pecora se penes, copiose pullulantia, seruos autem aliunde captiuos, eo tamē altero facultatum suarū genere plus fortunati sunt. Non habent enim pecora tot, quot mancipia. nam hæc externis quoq; largiuntur prouincijs. Siquidem aduētant eis naues crebrae ex vltiori Ponto, & Asia, portantes arma, vestes, equos, & soluuntur ab eis oneratæ semper mancipijs. Quoniam omnia illorum emporia ac telonea, celebria sunt solo eo mercium genere, quod etiam ad manus est eis semper, & mercatui, & pignori & dono, ac vnusquisque eorum equi saltem ascensor, etiam cum nullum actū habeat mancipium, potentia tamen, certò semper copiam peculij eius habere se præsumens, promittit in contractibus creditori cuilibet numeraturum se ad certum diem pro vestibus, armis, & equis viuacioribus, viuaces etiam, verum non equos, sed homines, eosque sanguinis nostri. Et statur huiusmodi promissis

missis eorum securè, perinde ac si in viuarijs, & cortibus suis reclusos semper habeant illi homines nostros. Vnde Iudæus quidam ibi in Taurica ad portam eius, vnicam illam, teloneo præsidens & innumeram semper hominum nostrorum captiuorum multitudinem importari illuc cernens, quærebat ex nobis vtrum adhuc homines in regionibus nostris supersint, nec ne, & vnde hic tantæ mortalium copiae. Est autem id ipsum facultatum genus latrunculis illis in promptu semper, nedum in commercium quodlibet ad externos, sed domi etiam, & sæuitiæ eorum perferendæ & ludicris.

Crebri enim ibi ex miseris ipsis viri robustiores, si non castrantur, auribus tamen & naribus mutilantur, genis & frontibus cauteriantur, pedicisq; & nervis compediti angariantur, interdum laboribus, noctu carceribus, prætenuique fouentur cibo morticinæ, eiusque putridæ, vermibus scaturientis, canibus etiam abhorrendæ carnis.

Captiuorum conditio.

Fœminæ verò teneriores in lasciuijs habentur, & quædā conuiujs etiam adhibitantur hilarandis, psaltui, fidicinatui, gesticulatuiq; artificiosè edoctæ. Quæ liberali forma ex nobiliore gētis nostræ sanguine rapte, adductantur Thalasio & paradysicolæ illi. Iræ & alia spectanda aguntur ibi cum eo hominū genere. Quando videlicet venum producuntur, miserrabiles ipsi, in frequentius ducuntur forum, seriatim, velut grues in auolarum digesti & decimatim collis concatenari, venundanturque decadibus integris sub manu & voce licitatoris, qui auctiōando, enunciat vociferans, noua esse mancipia ipsa, rudia, non callida, recens capta, ex populo regio, non Moscouitico. Nam Moschorum genus, ut dolosum & fallax, ita vile habetur illic in mancipijs. Taxatur autem sagacius hoc mercimonij genus in Taurica, carereq; emittitur per mercatores externos, venundandum ab eis pluris, vltioribus, attrioribusque, Sarracenis, Persis, Indis, Arabibus, Syris, & Assyrijs. Quilibet namque illorum, auidè appetunt captiuas hinc in coniugia, citra tamen vim tunc & iniuriam, sed iuxta normam perscriptam desuper a Domino Deuter. 21. Quoniam & imperatori Turcarum moderno, vxor apud eum gratiosior primogeniti eius post eum

Fœminæ.

Solymani vxor mater Amuratis 3.

imperatrici genitrix rapta est ex prouincia nostra. Atque Precopensis Sapkirei, procreatus ex Christiana, & in coniugio habet nunc Christianam. Et omnes tyrannorum illorum ministri, spadones, scribæ, cæteri que artifices, & milites præcipui Ianiczari, qui jam inde à pueritia arte & disciplina militari instruuntur, & ex quibus tandem Duces leguntur & Barones, de nostro Christiano sanguine sunt. Et proinde quando emuntur ibi mancipia, inspestantur tunc eorum, ne dum promptiora membra, atque dentes, ne rari sint neu decolores, verum abditiores etiam perscrutantur corporis partes. Et ubi quis deprehenditur nauius, tuber, cicatrix vel aliud latens vitium seu defectus, sequitur tum redhibitio. Atque in tanto etiam indagatu eumentium, adstruunt nihilominus eis imposturam, sistendo illecebras vafri proxenetae & mangones. Quos enim habitiores in gregibus captiuorum nanciscuntur, pusiones, & puellas, non eos vulgo produunt, sed lautius ad inducendam saginam curatos, redimitos serico, fucatos pigmentis, purpurisso stibioque, ad alliciendum quo pluris emantur. Nam interdum ibi pensitantur auro & ponderibus suis, emuntur formosiores, & illibatae sanguinis nostri puellæ. Atque illico etiam ubi emuntur, reuenduntur identidem mancipia formosa, accuratius mangonizata aucto precio aut usura momenti vilius lucrifacta. Aguntur hæc & in cæteris peninsulæ illius vrbibus, in Cassa vero præcipue. Contigitque ibi quod globi miserorum illorum coemptorum aguntur ex mercatu ad naues recta. Est enim contingens portum freti opportuniorem, situ suo insatiabilis illa & nefanda, non vrbs sed vorago sanguinis nostri. Vbi igitur migratores illi ad conscensum nauium in littore consistentes viderent dolori esse, vicem suam nobis inspestantibus: Vnus tunc eorum notus & conterraneus mihi velut interpellatus, contractiore vultu nostro, respondens pro comitiua & me intuens; Non est iam inquit frater dilecte, quod doleatis extorribus nobis peregrinantibus ita: quamuis enim acerbū hoc & triste carpamus iter, relicto dulci patrio solo, migrantes eō, vnde nunquam redituri sumus:

*Captini ad
Eismanos oratio.*

& quam-

& quamuis quanto longius à finibus patriæ abducimur, tanto maiori in dies natiui soli flagremus desiderio: æquiori tamen iam fors ea ineuitata ferenda est nobis animo. quandoquidem non soli & non pauci simul gregales comitesque sumus, & cum haud optatiore statu, cæteros remanere hic in Taurica videamus, consortes nostros, stigmaticos istos, notis compunctos, oris etiam deformatos specie; atque domi non lætiores itidem experti sumus vsu venisse exitum, necessariis nostris, quos vidimus illic, obrucidari, detruncari, auulsaque eorum à corporibus membra & capita, iactari, corda quoque in ignem spargi trementia, & pulmones exectos, dum exenteratis aluis illorum, repidisque ex intestinis, raptaret hostis trūcūlerus extra haruspicijs, felles & biles vnguētis. Quamquam autem & nobis præstitisset multo, si illa ac etiam alia quantumcunque crudeliora, vnà & semel perpessi occubuissemus apud lares manesque pater nos, à cultu religionis & à sepulchris maiorum non abstracti, corporibusque nostris felicioribus multo quàm nunc, etiam si trunca iam & euiscerata discerpta fuissent & deuorata illic à bestiis: sed quia inuider nobis illud, prolixioribus his reseruans nos ludibrijs fatum insolens, cui parendum est, & iniussu eius non secedendum, iam minimè in rem nostram & anxietas hæc, & commiseratio vestra, quin potius nobismet ipsis cauendum est, ne idem quoque vos maneat exitus, ne scilicet asportatrices has conscendatis etiam aliquando naues, & ne tota denique gens nostra, dispereuntibus ita crebrius indies alumnis suis intercidat. Id quod summopere sanè metuendum est, si eisdem quibus nunc estis, perseueraueritis diutius esse moribus vestris perniciosissimis, trahentibus vos iugiter in exitum. Si itaque est tibi quicquam aut charitatis in patriam, aut fidei in Principem, aut saltem in Deum religionis: tuum quoque debet esse, eam periculi imminentiam, vt nunc perspectis hic hominum conditionibus deprehendisti, deregere Principi, & quorum denique interest, quod vt sedulo facias, si non aliud, at religionis saltem ipsius Dei moveat te amor, per quem adiurando te miseri nos affectum patriæ & libertatis nunc tandem expertes obrestamur vt saltem hoc vltimum à nobis pignus amoris desiderata haberet patria. Hæc ille perloquens, & graue:

Haruspicia.

suspirans, tractus est in nauem, conscendente decade sua, catenata solida, & subducta in altum classe disparuit, relicto sic nobis elogio.

Finis Fragminis primi.

Quidam ad Lectorem.

In sequentibus hunc tomis, nihil aliud Michalo, quam de corruptis gentis suae moribus, quibus nullus sit perniciosior, primoq; repellendus hostis, queritur, quos emendatos esse & optat & regenerationes emendandi ostendit. Verum nos omisis eiusmodi querelis, quae de nulla non alia etiam gente esse possint, ea saltem quae ad magistram vitam historiam pertinent, cognoscamus.



EPITOME FRAGMINIS secundi.



Mosci & Tartari, longè sunt Lituanis inferiores viribus: sed superiores industria, frugalitate, temperantia, fortitudine, cæterisque virtutibus, quibus regna firma consistunt, afferunt Tartaris hæ virtutes ista commoda ut gaudeant copia peculij nostri abacti, & statu temporum sic exigente, placentur annuis muneribus à S. Maiestate vestra, amici scilicet foederati, cum quibus antea quoque semper fuerunt Lituanis foedera. Idem in equitatu sunt assidui, absque curribus bella gerunt, equis peregrinis abundant, viribus quas tumentur carent. Mosci quolibet vere ex Orda Tartarica Nohaiensi, permutatione vestium, & rerum aliarum vilium, multa millia equorum bello aptissimorum accipiunt. Turcæ Thraces immittunt nobis magno pretio equos partus ultimi, senes, laboribus exhaustos, morbis occultis obnoxios: valen-

valentes verò, aut ipsa arma vendere Christianis, religio ipsis est ac scelus. at maiores nostri contenti erant domi suæ natis cantherijs: parati semper ad bellum cum lanceis, clypeis, loricis & refertis farre culeis. Heroidæ Lituanicæ vel templum vel conuiuium accessuræ, senis vel octenis eiusdem coloris pilentis, id est, rhedis pensilibus vehuntur: totidemque homines lorix vinctos Scythia trahens, euadit impune. at Tartari equorum ditissimi, ne Principis quidem suæ vehiculo iungi patiuntur equum. Turcæ aliq; Saraceni accessuri die quolibet quinquies in fanum ad orandum, excalceant se lauantq; frigida, etiam pudenda membra. iidem atque Tartari, Moscouitæ, Liouones, Pruteni, confu-lentes parsimonix iugiter retinent vniufmodi vestitus, quos nos & pretiosos & varios habemus.

Tartari tunicas habent absque plicis & rugis longas, equitanti dimicantiq; commodas, leues & pileos albos acutos non ad fastum paratos, quorum eminentia atque nitore in agminibus, licet minimè galeati esse soleant, apparent illustriores, & hostibus formidandi, quas technas Mosci quoque imitantur, hi verò ex ouili lana fiunt, & sæpè abluti diu durant, uno emti grosso.

Eti Mosci soli, Sobolis aliarumq; ferarum genere abundant: tamen vulgò Sobolos pretiosos non ferunt. Sed missos in Lituaniam, molles mollibus, aurum pro eis auferunt: gestantq; in

lacinijs galerorum suorum ciliciorum laminas aureas, & gemmas pretiosas, quibus nec humor, nec sol, nectinea, vt Sobolis, nocet.

Finis Fragminis secundi.





EPITOME FRAGMINIS
libri tertij.



ROMATIS adeo abstinēt, ut & in epulis pascha-
libus contenti sint his condimentis, sale lutu-
lento, synapi, allio, cæpis, suæque telluris fructi-
bus, non solum vulgus, verum etiam optimates,
& summus dux illorum, arcium nostrarum ere-
ptor, quas iam 73. enumerat iactanter.

In mensa Principis conuiuali, inter aurea vasa & vernaculas
dapes, non nihil quidem piperis, non tamen cocti in trullis seor-
sum apponitur, sed à nemine attingitur. at Lituari opiparis &
exoticis vescuntur cibis, vinum varij generis bibunt, unde morbi
varij. cæterum Mosci, Tartari & Turcæ, licet regionum vinife-
rarum possessores, tamen vinum non bibūt, sed Christianis ven-
ditum, neruos belli pro eo comparant. persuasi se Deo præstare
obsequium, si quouis modo extinguat sanguinem Christianum.

*Aqua ama-
ra.*

Tartari, Precopenses itidem aromata uersantur, viuuntque
potu lactis & aquæ putealis, quæ in ambitu Tauricæ campestri,
raro inuenitur non amara, clara autem rarius, nisi in visceribus
terræ, profundissimè quæsitæ. Progenitores nostri cibos potusque
peregrinos vitabant. Sobrij & frugales, omnem suam gloriam in
re militari, voluptatem in armis, equis, famulis numerosis, &
qualibus Mars gaudet, duris strenuisque ponebant, & cum exte-
ras gentes arcerent, sua à mari vno ad alterum prolatarent, vo-
cabantur ab hostibus Chorobra Litvva, i. ferox Lituania. Nul-
lum est in oppidis Lituanicis opificium adeo frequens, ut co-
quendæ ex filigine cereuisiæ, & aquæ ardentis. Sequuntur hæc
poriones in bellum euntes, & ad sacrificia Missalia confluentes.
quibus homines domi assueri, simulatque insolitum sibi aquæ
porum in militia attingunt, torminibus & dysenteria pereunt.
Rustici omissa agricolatione, in cauponas conueniunt. Vbi dies

& no.

& noctes pergreantur, vrsis etiam arte cicuratis, ut potantes sua
delectent ad cantum vtricularij saltatione. Vnde fit ut facultati-
bus consumtis, fames sequatur homines, ad furta & latrocinia
conuertantur, adeo ut in vnaquaque Lituanica regione, intra v-
num mensem, plures propter hæc facinora capite plestantur,
quàm centum & ducentis annis per omnes Tartarorum & Mo-
scorum ebrietatem verantium prouincias. Certè apud Tartaros, *Pena vini.*
qui modò vinum gustauerit, is & octoginta fustuarijs ictibus *potorum.*
percutitur, & totidem nummis multatur. In Moscouia verò nul-
quam est taberna potatoria. quòd si apud aliquem patremfami-
lias vel gutta syceræ deprehendatur: huius tota domus dirui-
tur, fortunæ confiscantur, familia atque vicini eiusdem vicus va-
pulant: ipsemet verò in perpetuum carcerem detruditur. In vi-
ciniam idè sæuitur, quòd sit eo infecta contagio, & nefandi con-
scia criminis. Nostros verò, non quidem magistratus, sed ipsa in-
temperies perdit potatores, aut mutua arma inter potandum e-
nata, dies abaque ardentis potu inchoatur. vinū vinū adhuc in le-
dis clamitantes. bibitur deinde idem virus à viris, foeminis, iu-
uenibus in plateis, foris, secus vias, quo infecti nihil post agere
possunt, quàm dormire, ac qui huic malo semel assuefit, in eo cre-
scit potandi continenter cupiditas. Nec Judæi nec Saraceni
quenquam è suo populo patiuntur perire egestate, tanta inter il-
los charitas viget: nec quisquam Saracenus cibarii sui edere vl-
lum frustum audet, nisi id prius comminutum & commistum
fuerit, ut vnicuique præsentium cibus cedat eadem quantitate.

Abstinentibus autem ebrietate Moscis, oppida illorum cele-
bria sunt varijs & assiduis artificibus, qui mittendo nobis crate-
res ligneos, & baculos ad fulciendum gradum infirmis, senibus
ebriis, ephippia, frameas, phaleras & diuersa arma, auro nos spo-
liant.

Antea Moscouitæ in eiusmodi seruitute Tartarorum Zauol-
hensium fuerunt, ut dux illorum inter cætera seruitia vnicuique
Cæsaris legato, & census exactori quotannis in Moscouiam ve-
nienti, prodiret obuiam extra oppidum. & tenens manu sua e-
qui eius habenas, pedes equitem ad regiam deducebat. Sedente-
que legato in solio Ducali, ipse genibus flexis legationem au-

*Bibacitas
Lituanorū.*

*Seruitus
Moscorum.*

diebat. Ideò & hodie Zauolhenfes & ab his orci Precopenfes du-
cem Moscorum appellant suum cholop, i. rusticum. Sed præter
causam. Nam se suosque ab hac tyrannide Iohannes auus huius
Iohannis Basilii, qui hodie rerum gubernacula tenet, redacto po-
pulo ad sobrietatem cauponisque ubique interdictis vindicauit.
quin subiectis sibi Rezani, Tvver, Susdal, Volodov alijsq; fini-
timis Comitatus ditionem suam protulit. idem etiam, Casi-
mirus rege Poloniæ & Duce Lituanie in Prussia contra Cruci-
feros pro regni finibus pugnante, populoque nostro in luxum
prolapso, ademit suoque adiunxit patrimonio Lituanicas pro-
uincias Nouohrod, Pskovv, Sievvier, & alia, heroum sanctorum
catalogo à suis adscriptus, liberator & auctor patriæ. nam & me-
tropolim suam, arce lateritia, & regiam lapidibus arte Phidiaca
sculptis, inauratis quibusdam eius sacellorum cacuminibus de-
corauit. Sic & genitus ab eo Basilius eadem usus sobrietate atque
disciplina morum, anni millesimi quingentesimi decimiquar-
ti vltima Iulii ademtam nobis perfidia Michaelis Hlinscij ar-
cem & prouinciam Smolensco, addidit suo patrimonio. Vnde
Moscvvam metropolim suam auxit, condito in ea vico Nalevv-
ki, opera mercenariorum nostrorum militum indito ei in op-
probrium gentis nostræ ebriosæ cognomine. Naley enim In-
funde significat. Similiter huius natus qui nunc regnat, etsi ar-
cem vnam ad nos amisit: tamen interea intra regionis nostræ fi-
nes tres arces condidit, Sebesz, Velisz, Zavvlocz. nullare cedit
Tartaris, quorum olim seruus fuit, ita suos habet sobrios: ruetur-
que libertatem non panno molli, nec auro splendido, sed ferro:
tenerq; gentes suas in armis, munit arces perpetuis præsidijs, pa-
cem precariam non curat, vim vi repellit, continentiam Tarta-
ricam continentia populi sui, sobrietatem sobrietate

æquat, artem arte Vitoudum heroem no-

strum imitatus elidit.

Moscu Li-
tuanis mul-
ta adimis.

EPI-



EPITOME FRAGMINIS

Quarti.



VSITICIA quoque præstant nobis Tartari. nam
reddunt vnicuique statim quod ipsius est. apud
nos verò capit Iudex decimam partem rei iudi-
catae, ab actore innocente, quæ iudicio merces ap-
pellatur Peressud. quæ ilico in tribunali soluen-
da est. Cum autem de minima fundi agitur particula, non de-
cima datur, sed licet non fuerit tanti pretij res iudicata, centum
grossi, quorum vnus duos cruciatos nummos Germanicos va-
let, cum dimidia cruciati parte. maioris verò decimam capit
semper, summæ bonorum totius, quantacunque deducta fuerit
in litem.

Ratio iudi-
ciorum Li-
tuanicorū.

Ex iniuriarum autem personalium & violentiarum vtcun-
que insimularum causis, capit à reo ratione multæ, tantum
quantum adiudicat actori. adiudicat autem propter tanta sua
lucra actori, apertè etiam calumnianti fauens, pro offensione
eius qualicunque, mari sexagenas grossorum vicens, foeminæ
quadragenas, pro damnis verò realibus quicquid calumniator
peierans asseruerit, centenas & millenas, etiamsi ne vnam qui-
dem sexagenam valere appareat tota eius substantia. Et pro ho-
micidio, non iuxta legem diuinam vt sanguis sanguine vindi-
ceretur, sententia fertur, sed pecuniaria fit, cum decimis magistra-
tus. Quocirca frequentia hic committuntur parricidia. Et licet
actor ingenuus in causis iniuriarum victoria potius, placetur
à reo mollibus verbis: at non iudex. is enim semper pecunias
haurit, ab hoc multatias, ab illo decimarias.

Capit & decimas à pragmaticis sanctionibus & transactionibus. In criminalibus verò causis, non decimam sed totum capit, quicquid furtivum aut latroni ademptum deprehenditur penes aliquem, qui eius proventus appellatur Litze. Quando autem res ipsa furtiva penes furem seu evictorem eius, portanda est ad alium iudicem: valorem eius integrum capit prior iudex, ita ut necessum sit apud nos repetenti rem suam surreptam, impendere in magistratus plusquam res ipsa valeat: quapropter multi id cernentes sua iumenta furtim abacta, aut vi erepta, non audent litem propter ea intentare. Fur etiam in recenti crimine captus, non à magistratu loci illius in quo deliquit aut captus est iudicatur, sed per multa viarum discrimina, ducitur iudicandus, ad suum dominum, interdum ad talem in cuius domum furta inferebat. quamobrem securè furta committuntur. At apud vicinos nostros Tartaros & Moscos, iurisdictio in omnes baronum & nobilium subditos, tam in civilibus quam criminalibus causis, non privato cuiquam, sed publico ordinarioque competit magistratui, eidemque sobrio, & simul cum aliis habitantibus. nostri autem & singuli seorsim, & bibentes id agunt, remotis arbitrariis & testibus, ubi quidvis patrare licet. Capit etiam præses apud nos præter scelus, 12. grossos à iumento, quod quis rapit, & appellans erraticum, trahit illud ad stabulum euriæ. Sic & ab homine etiam immeritò in carcerem detruso, totidem exigit grossos, præterea ea stipendia iure sibi, & carceris & stabuli ratione deberi. Famulus quoque iudicis executor sententiæ, capit decimam rei iudicatæ partem. quin etiam citra iudicium strepitum, accipit decimam debiti crediti, seu depositi, quantumcunque liquidi, etiam si minimè eat inficias. Et Notarius decimam pene pro litteris diffinitivis, ac pro qualibet opera sua exigit aliquid: pro solo citationis sigillo ad causam unius grossi, quatuor. & quòd carius omnia vendantur, necesse est citationem geminam, eamque sigillatam & manu protonotarii subscriptam esse, quod interdum antequam sit, notario in aliis occupato, elabatur non citatus reus, ut eorum natura est fugere. Capit item alius iudicis apparitor Wisz, diem

diem reo dicturus, in causa vel minima, siquidem Palarini fuerit, grossos quinquaginta, si vicarii eius, 30. si regius, vel se eum simulat, centum. Capit tantundem alter, id est, 100. vel 50. vel minimum 30. isque Deczki dicitur, qui reum accersit & ad causam cum citatione ducit. item satelles tantundem rapit, qui à contestata lite, ad testes sistendum examinandumve, aut ad agrum pratumve ab aliena pecude proculcatum aut depastum, seu ad aliud minus damnum videndum delegatur. Si pauper tantam pecuniam non habuerit, iumentis spoliatur. Iniquum & hoc, quod pauper aliquem è magnatibus citaturus, non invenit tum vel maximo præmio apparitorem. Nec hoc minus iniquum, quòd vicinus meus potentior eiusdem mecum pagi hæres, alterius sit fori: nec tam facile ut ego, citatur. Et quòd appellationis remedium sublatum sit nobis, enormi pœna apposita, ut est in stat. Lit. dist. 6. art. 1. Prohibita etiam contra potentes Vadia, quæ tenuibus sunt arma & quasi scuta ad protegendum. Ad hoc quicumque in testimonium nominantur, quibuscunque in causis, præterquam in limitaribus, iniurati fidem plenè faciunt, solo quæstu falso testificandi viventes. Librum publicum ad referendas in eum venditiones & alia præter priuatas schedas, non habemus. Reus, etiam si manifestus fuerit rerum alienarum raptor atque violator, non tamen ante ad iudicium accersitur, quam post menstruum à citatione spatium. Ad hæc dum iumentum quod 50. vel 100. grossis valeat, mihi eripitur, summa agriculturæ opportunitate, ego raptorem citare in iudicium nequeo, donec prius citaturo eum satelliti solvero id integrum quod raptum valet, cum deinceps non solum solutio expensarum me non sequatur sed nec reum de re ablata in iudicium trahere, nisi post menstrua quædam intervalla liceat. Itaque iniuria affectus aut totum raptori permittit, aut vi vel fraude par refert.

Tempore promulgationis legum Lituanicarum bos valebat 50. grossis, vacca triginta. quæ pretia nunc magis creuerunt. At in alijs regis Poloniæ ditionibus, nec tantæ induciæ patent reo, nec sumptus tanti ad citandum requiruntur. Sed apparitor conducitur ad citandum reum dimidio grossi. & diploma regium, quo quis citatur, absque chirographis protonotariorum valet.

Forum Polonicum.

nec adeo magno venit pretio, imò gratis dari iubetur edicto regis Sigismundi in Stat. Polonicis Piotrcouiensibus anno Domini 1511. & iudex à re iudicata etiam maxima non decima parte illius, sed duobus vel ad summum quatuor contentus sit grossis nostris minoribus, qui valent 8. cruciatis Germanicos. apud nos decimarum rei iudicatæ ter geminarum causa, iudex suæ causæ sit iudex: & velut hamo escam habente captus, trahitur semper ad condemnandum, obscuris etiam partium iuribus. Etiam Ethnicorum leges prohibent mercedem iustitiæ. quæ ad nos immigrauit ante pauca lustra, ex ambigua consuetudine, opera procerum primorum, leges vñbus suis accommodantium, quibus vigentibus nemini licet possidere quidquam quod non obnoxium sit magistratui. verbi gratia: Cum aliquis aut mihi infensus, aut iudici fauens, commodumq; procurans, pecuniam meam rapit, seu mutuum depositumue creditum retinet, aut fundum occupat meum: ego nihil horum recuperare possum ab eo, donec prius dederò iudici & familiaribus eius decimas, & alios prouentus amplos, in quos totam pecuniam meam breui abire necessum est, si iterum semel vel bis id ipsum negotii probus ille iudicis amicus mihi palam facessiuerit. vbi verò furto, aut vi palliata, iudicis emissarius aurum, argentum aliatue mea surripit, hæc deprehensa transeunt ad præsidem. Ecce iustitiam Serenissime Princeps in patrimonio tuo, reddentem unicuique quod suum est, en iura sancta.

Iudices tantum duo.

Tametsi verò duo ex optimatum numero Palatini in omni Lituania fungantur iudicum munere, locis non admodum distincti inter se, verum hi qui sufficere possunt, ut tam numerosi populi & tantarum prouinciarum lites diiudicent? præsertim cum iisdem curæ sit respub. ut vocentur voiuodæ, id est, belli duces. quo fit ut occupati multitudine & publicorum & priuatorum negotiorum, diebus festis, nempe cum sunt liberiores à negotijs, de litibus cognoscant. Sed id etiam mali accidit, quod non habeant certis locis tribunalia. Sæpe sunt 50. amplius milliaria quærendi iustitiæ consequendæ causa, ab affecto iniuria. eunt miseri homines à finibus Samagitiæ & Liouoniæ, vsque ad terminos Masouia & Moscouiæ, persequentes iudicem

iudicem ordinarium. Ad hoc habemus quotannis 40. dies recolendæ dominicæ passioni, ieiunio, orationique dicatos. quos litibus attentius prosequendis transigimus. Habent ij Voiuodæ suos vicarios, qui itidem curato bene corpore, pro tribunali sedere inter conuiuiorum strepitus solent parum gnari iurisprudentiæ, sed in suo Perestud emulgendero accurati. at Moscouitæ gloriantur se à nobis leges suscipisse Vitovvdinas, quas nos iam contempsimus, à Tartaris verò arma, vestes, & rationem bellandi absque curribus, exoticis cibariis & potionibus.



EPITOME FRAGMINIS

Quinta.



OSCOVITA irati imprecatur alicui suorum, ut fiat Romanæ siue Polonicæ religionis. adeo eam exosam habent. Gymnasij literariis, dolendum, caremus. literas Moscouiticas nihil antiquitatis cõplectentes, nullam ad virtutem efficaciam habentes ediscimus, cum idioma Ruthenum alienum sit à nobis Lituanis, hoc est, Italianis, Italico sanguine oriundis.

*Lituanis ab
Italis orsi.*

Quod ita esse liquet ex sermone nostro semilatio, & ex ritibus Romanorum vetustis, qui non ita pridem desiere apud nos, videlicet excrematis humanis cadaueribus, auguriis, auspicijs, alijsque superstitionibus, adhuc in quibusdam locis durantibus maxime cultu Esculapij, qui sub eadem, qua olim Romanam ab Epidaurò commigrauerat, serpentis specie colitur, & in veneratione habetur. coluntur & sacri penates, mares, lares, lemures, montes, specus, lacus, luci. Sed nec admodum diu facer ille perpetuusq; qui cremandis victimis Romanorum Hebræorumq; more fouebatur, extinctus est per baptismatis vñdam vgnis, id est, ignis. Etenim & ignis, & vñda, aer, sol, mensis, dies, noctis, ros, aurora, deus, vir, deuir, i.e. leuir, nepotis, neptis, tu, tuus,

Verba Lituanica.


meus, suus, leuis, tenuis, viuus, iuuenis, vetustus, senis, oculus, auris, nasus, dentes, gentes, sta, sede, verte, inuerte, peruerte, aratum, occatum, satum, semen, lens, linum, canapum, auena, pecus, ouis, anguis, ansa, corbis, axis, rota, iugum, pondus, culeus, callis, cur, nunc, tractus, intractus, pertractus, extractus, merctus, immerctus, futus, infutus, versus, inuersus, peruersus, primus, vnus, duo, tres, quatuor, quinque, sex, septem, & pleraque alia, idem significant Litvano sermone quod & Latino. Deuenerant verò in hæc loca maiores nostri, milites & ciues Romani, missi olim in colonias, ad arcendum à suis finibus gentes Scythicas. seu vt certior fert opinio, sub C. Iulio Cæsare appulsi, Oceani aduersis procellis. Nempe cum is Cæsar, vt scribit Luc. Florus, victis Germanis & in Gallia cæsis, Rhenum proxima parte Germaniæ domita superans, ac deinde Oceano in Britanniam disiecta tempestatibus classe, parum prosperè nauigaret, delatæ enim naues maiorum nostrorum ad litus, vbi nunc est arx Samagitiæ Ploteli, creduntur egressi in terram. Quin & nostro tempore perueniunt naues quædam transmarinorum in illud idem litus. Vbi nostri progenitores laborum & periculorum maris pertæsi, & captiuis tam viris quam foeminis onusti, coepere in tabernaculis ad focos, more militari, adhuc in Samagitia durante, vitam degere, vnde vltèrius progressi, subegerunt vicinos populos Iaczuingos, deinde Roxolanos seu Ruthenos, quib. tum vt Moscici dominabantur Tartari Zauolhenses: & singulis Ruthenorum arcibus præsidebant ij, qui appellabantur Baskaki, è quibus exacti sunt à parentibus nostris Italis, qui postea Litali, deinde Litvani appellati sunt. Tum innata fortitudine, populis Ruthenicis, regionibus arcibusq; è Tartarica atq; Baskakorum seruitute ereptis, ditionem suam à mari Samagitico, quod Balteum dicitur, ad pontum Euxinum vbi ostia Borysthenis, & ad fines Valachiae, alterius Romanorum coloniae, & terras Voliniæ, Podoliae, Kijouiae, Sievvier, atque campestres regiones vsq; ad terminos Tauricæ, ac Tovvanitraciæ Borysthenis, omnia occupando, & illinc aquilonem versus ad vltimam & proximam metropoli Moscouiæ arcem Mozaisco, ipsa quidem exclusa, sed Wiazmam, Dorohobusz, Biela, Toropetz, Luki, Pskovv, Noui-

horod,

horod, omnibusque citerioribus arcibus & prouincijs inclusis protulerunt. postmodum amplificata sic virtute militari ditione sua, diadema quoque cum nomine regio obtinuerant Principi suo Mindavgo, sacri baptismatis caractere insignito. Sed extincto illo rege, etiam nomen regium atque Christianum interierat, donec rursus vicina nobis & Christiana gens Polona, ad sacrum baptismum & regale fastigium anno Christi 1386. inuitaret feliciter hic dominantem proauum Sacræ Maiestatis vestræ, diuū Wladislauum, Lituanicè Iagelonem nuncupatum, quod virtus duarum gentium confinium consociata fortior foret in reprimendo communi Christiani nominis hoste. Quam *Iudæi.* in regionem confluxit ex alijs prouincijs omnium pessima gens Iudaica, iam per omnia Podoliæ, Voliniæ & alia fertilliora oppida aucta; perfida, callida, calumniatrix, quæ nostras merces, monetas, Syngrapha, Sigilla adulterat, in omnibus emporiis vitum Christianis præripit, nullam artem præter imposturas & calumnias exercet: ex progenie Chaldæorum natio pessima, vt tradunt sacræ literæ, adultera, peccatrix, infidelis, nequam, peruersa.



D



EPITOME FRAGMINIS

Sexti.

Servi Litua
nici.

RASTANT nobis Tartari non solum frugalitate & prudentia, verum etiam dilectione proximi. conservant enim societatem inter se & beneficentiam. servorum quoque iustam habent rationem, quos non nisi alienigenas habent. & licet aut bello aut pretio quæsitos, tamen ultra septennium non retinent. iubente id Scriptura Sacra Exod. 21. at nos nec bello nec pretio acquisitos, nec externos, sed nostræ gentis & religionis, orphanos, egenos, coniugijs ancillarum irretitos, tenemus in servitute perpetua. abutimurque; auctoritate in eos nostra, dum eos cruciamus, mutilamus, necamus absque iudicio legitimo, ob quamcumque suspitionem. Contra apud Tartaros & Moscos nulli magistratui licet necare hominem, licet in crimine manifesto, præterquam metropolitanis iudicibus: idque in metropoli. at apud nos per omnes viros, villas, sententia vulgo fertur in homines. adhuc ex solis saltem subditis nostris oppidanis inquilinis, aratoribus pauperissimis, stipendia in defensionem reipublice exigimus, dominis fundorum præteritis, cum tamen ipsi plura percipiant ex suis latifundiis, agricolationibus, pratis, pascuis, hortis, oleribus, pomarijs, sylvis, nemoribus, melle, venatione, cauponis, officinis, mercatibus, teloneis, naulis, portorijs, lacubus, fluminibus, stagnis, piscinis, molendinis, pecorum gregibus, servorum ancillarumque laboribus, magis autem procederet bellica expeditio & tributum in eam, quod sit viritum, si inchoata fundorum agrorumque omnium tam nobilium quam plebeiorem æqualis dimensio ab-
solueretur. qui enim maiores agros haberet, plus contribueret.

EPI-



EPITOME FRAGMINIS

Septimi.

TARTARI suas mulieres in abditis semper tenent locis. nostræ vero circumeunt domos socias, coetibus virorum se miscendo, vestitu ferè virili. unde nascitur libido. iidem repleturi incolis terram quæ ad inhabitandum creata dicitur, & genus humanum ad laudem Domini propagaturi: præterea cum non omnis mulier fecunda sit, nec quolibet mensis tempore attingenda à viro, neque semper ad concipiendum apta, & concepto semel foetu, non sit interim cognoscenda, quippe cum prolis gratia non libidinis accipiat vxor, & unico congressu concipiat foetum interdum non unicum, ut patet in Thamar & Rebecca: propterea inquam Tartari tantum seminis virilis vigorem considerantes, neue illud præter opportunitatem effundatur cauentes: sequuti ducem naturam, atque laudabilem priscorum hominum, de quibus in Biblijs, consuetudinem, plures simul singuli vxores habent. Ex quibus coniugijs vires contra nos maiores acquirunt, numerosas filiorum & affinium copias consequuntur, & vxores, quanto plures, tanto sui amantiores habent, faustisque fruuntur matrimonijs. nec sponsarum magnas dotes quærunt, nec formas nec inclytas familias. adeo ut summi principes ex captivis emptiis coniuges sumant.

Polygamia
Tartarorum.

Cæterum nostri contra morem priscorum, sanctorumque hominum, & belluarum naturam, honor sit pijs auribus. nonnunquam plures ad unam accedunt foeminam, nullum hinc nec prolis nec affinitatis, neque ullius amicitiae fructum sperantes, nec Deum verentes. dotes quærunt, formas spectant, quibus sibi foeminæ obligant & devinciunt viros. superbiores fiunt, & id studet ut non tam integræ quam pecuniosæ & formosæ habeantur, et si

Vxores Li-
thuanæ.

fictis nonnunquam pecuniis, pictis faciebus, id quod latius in populo nostro patere coepit, postquam promulgata est nobis lex Stat. Lit. dist. 4. arti. 7. concedens pro dote mulierib. certas hæreditatum partes. unde insolentes factæ, subinde virtutem negligunt, tutoribus, parentibus, maritis immorigeræ fiunt, & viventibus immaturam machinantur mortem. hæc multitudo vxorum facit vt vicini nostri Tartari Precopenses toties à nobis ad internecionem cæsi, rursus repululascant. nec ita pridem in copijs Oslam, Soltan fuerunt 40. Fratres. collectanei eius, cuiusdam Omeldes 40. filij simul, robusti vno anno & mense fortassis, ex vxoribus & pellicibus earum procreati. quæ cohors 40. fratrum germanorum conspicua fuit. & hic apud fluuium Vaka villa Tartarorum frequens est, antiquitus 40. Tartarorum, id est, fratrum appellata. Mercandarum sponfarum morem, qui est apud Tartaros, patet fuisse etiam apud Israelitas, Genes. 29. & 1. Reg. 18. quemadmodum & in nostra olim gente soluebatur parentibus pro sponsis pretium, quod Krieno à Samagitis vocatur. Sed nunc mancipamur dotibus vxorum, & serui propter eas efficimur quærentes magnificas affinitates.

Nec Tartari nec Mosci vllam permittunt mulieribus libertatem. Ac vulgò id dicunt: Qui mulieri libertatem concedit, ipse sibi eam adimit. non sunt sui iuris apud eos. apud nos verò quædam multorum virorum capitibus dominantur, possidentes pagos, vrbes, tractus, aliæ vsu fructuario, aliæ hæreditario iure, qua dominatus libidine degunt sub prætextu virginittis aut viduitatis effrænes, & subditis molestæ, alios odio prosequentes, alios amore cæco depereuntes, ac extollentes, cum morte amarior dicatur esse mulier, & nihil sit peius ira eius, Ecclesiast. 7. & 25.

Famina capitanæ.

Et cum imperium muliebri satis turpe sit, etiam intra penetralia priuatæ domus, tamen apud nos tenentur ab eis arces finitimæ regionibus Moscorum, Tartarorum, Turcarum, Valachorum, non nisi cordatis credendæ viris. non iniuria igitur progenitores S. Maiestatis V. libertatem licentiamque hanc hæreditatum non mittebant mulieribus. sed

CAA

cas nuptui tradebant, suo non illarum arbitrio: non opibus, nec genere, sed virtute nobiliorib. viris, qui se nobilitabant profundendo in bello & suo & hostium sanguine. itaque agasionibus etiam, qui se benè in re bellica gesserunt, dabantur hic heroidæ vxores: vocati quidam Sakones & Sungailones.



EPITOME FRAGMINIS Octavi.



VIRVS premijs alij illecti, frequentes etiam ex plebe, fiebant boni milites, quibus solti progenitores S. Maiestatis V. longè lateq; ditionem proferebant suam, ita vt etiam nunc in media Taurica & Moscouia alijsque provincijs cernantur vestigia maiorum Maiestatis vestræ: appellantur enim ibi quidam Ge-

*Virtus antiquorum
Lituanorum.*

diminei ac Vitovvdini valli, colles, putei, pōntes, viæ, fossæ, stativæ & mœnia tormentis indigetum illorum quassata, alia verò baculis etiam Lituanorum obruta fuisse memorantur. sed tamen non torpore nec orio languebat patritia pubes, exercebatur assidue in militia more progenitorum suorum Romanorum, non illi dum indiceretur bellum, aut grauem ab hoste iniuriam, aut temporis æstiu opportunitatem expectabant: sed vel ob priuatam, vel non admodum grauem subditis iniuriam factam bella faciebant, Moscorum metropolim Moscvvam nonnunquam circa festum paschæ attingebant, ibidemq; cum hostibus supplicibus fœdera iciebant. at nunc princeps illorum ferox nobis est, vtpote qui gentes suas exercet in assidua militia. non licet cuiquam indigenarum domi semper sedere: Verum alternis vicibus, excubandum est foris in præsidij confiniorum. taxant hanc nostram supinam securitatem, hostes nostri Tartari, vsitato suo scommate, cum nos post comestationes somno sepultos, hinc cum verbis inuadunt: Iohannes tu dormis, ego te vinciens,

D 3.

Ludonicus
occisus
1526.

labore. plures nunc nostrates ociosi milites in cauponis, mutuis
cædibus quàm ipsi hostes, qui patriam nostram crebrò populan-
tur, pereunt, qui exercendo se in campis cum sobriis solertibusq;
hostibus, in finibus Podoliæ atq; Kiiouiæ, haberent copiam de-
certandi magis gloriosam, & ex tyronibus strenui milites ac du-
ces euaderent, nec aliunde ad ea munia obeunda quærentur.
Non contemnebant suos vernas, maiores Maiestatis vestræ, quos
expedit ac necesse est pugnare fortius, ac mori pro legibus & pa-
tria. Nec, si patruelis S. Maiestatis vestræ Rex Hungariæ Ludo-
uicus, suos milites vernaculos peregrinis antetulisset, in expe-
ditione contemptus, in prælio desertus, in fuga conculcatus fu-
isset. Expertus est fidem suorum, auus & illius & Maiestatis ve-
stræ diuus Casimirus, pugnans ad Choinieze in Prussia cum
Cruciferis, ubi & militis & ducis boni fungens officio, turbata
suorum acie, & labore & onere armorum lassus, equo saucio lan-
guente, confestim corporibus militum gentis nostræ circumse-
ptus, alio conscenso, disiectis hostium agminibus periculo præ-
senti creptus est. quod Mosci æmulati, nec armis exercet nec pe-
cunijs ditant milites peregrinos, aliquando è regione excessu-
ros: sed suos vernaculos iugiter perseveraturos fouent, curæ ha-
bentes non stipendiorum, sed hæreditatum illorum quantita-
tes. nunc autem nostri milites ordinarij in confinibus, quamuis
multò vberioribus & hæreditatum fructibus & laborum, ac re-
missione consuam, alijsq; militaribus gaudeant prærogatiuis:
tamen hæc stipendia contemnunt, permessa & armorum exerci-
tatione & patriæ defensione transfugis Moscouitis atq; Tarta-
ris. pendimus quotannis munera Cæsari Precopensi: Cum ta-
men nostra Litwana & Samagitana pubes ad militiam vtilior es-
set, tam ferocitate naturali, quàm corporum robore, & perseue-
rantia in præsijs constantiore. Sed neq; hoc considerant Sum-
mates nostri, senescere ocio ciuitatem, & corpora iuue-
num salubriora fieri in militia
quàm domi.

FR A-

FRAGMEN NONVM.



N Lituania vnus homo decem occupat officia,
cæteris ab administratione illorum exclusis. at
Moscos æqualitatem inter suos seruat, non uni
plura munia concedit. quin vnus arcis curam eam-
que annuam, vel ad summum duorum annorum,
duobus simul præfectis, duobus notarijs committit. quæ res facit
vt aulici spe obtinendæ præfecturæ alacrius seruiant suo princi-
pi: & subiecti clementius habeantur à præsidibus, postea ratio-
nem reddituris, & in iudicium venturis. nam damnato reperun-
darum, inenudum est cum iniuria affecto, plebeio etiam, duellum.
& quamuis liceat incusato, alium loco sui ad certandum surro-
gare: tamen hoc succumbente, accusatus poenas luit. ita fit, ut mi-
nus crebræ audiantur in regia oppressorum querelæ.

Duella Mo-
scouisca.

Quin & in re familiari, enitet solertia barbari illius. adeo e-
nim nihil in ea negligit, vt & paleas, stipulas, stramen vendat.
proferuntur in conuiujs eius grandes pateræ aureæ & argenteæ,
stramineæ cognominatæ, id est, è straminum palearumq; pretijs
conflatæ. Habet & id commodi ex frugali præfecturarum dis-
pensatione, vt quoscunque ad limites terrarum tuendos, ad ne-
gotia publica, legationes etiam longinquissimas obeundas mit-
tit, hæc ipsi non vllis sumptibus à principe acceptis, sed suis
perficiant. Et siquidem omnia ex re ac sententia eius peregerint,
præmiorum loco non præsentem pecuniam, sed has de quibus
iam dictum præfecturas, ab eo accipiunt. quarum similes apud
Romanos quoq; fuisse Lucas in Actis cap. 24. testatur. Explero
inquit biennio, accepit successorem Felix Portium Festum.
Econtra apud nos qui aliquo allegantur, quamuis nondum me-
riti, tamen abundè accipiunt ex ærario pecunias, licet plerunq;
rebus infectis, reueniantur per quorum possessiones iter habue-
runt, graues, & equis dispositis quos podvvodas vocamus exhau-

stis, at in Moscouia nulli pater vsus talium equorum, quàm tabel-
lario publicæ necessitatis causa præpropere currenti, quorum
veloci cursu, & crebra fessorum mutatione, (nam vbique loco-
rum sunt eam ad rem pernices & integri,) nunci perferuntur ci-
tissimè. In Lituania verò, prodiga est diplomatum dandorum ad
eiusmodi cursus Cancellaria Maiestatis vestræ. Subinde delassan-
tur Podvvodæ priuatis aulicorum rebus vehendis, sitq; tali de-
fectu Podvvodarum, vt incauti inuadamur ab hostibus, aduen-
tum illarum ab ipsis finibus, præuertentibus. Sunt autem non ita
pridem ab hoc ministerio exemptis, qui illud fundis ad hoc an-
tiquitus acceptis, præstare debebant, per omnes vias à regionib.
Moscorum, Tartarorum & Turcarum ad Vilnam Metropolim
nostram, quæ illorum priuilegia, abroganda essent, utpote no-
centia publicæ utilitati. Transfugarum Moscorum crebrò ad
nos venientium, magna iam est multitudo, qui exploratis rebus,
& pecunia, fortunis, rerum morumq; nostrorum cognitione in-
structi, liberè ad suos reuertuntur; dum hic sunt consilia nostra,
clàm suis produnt, ab apud Tartaros in mancipiis habentur: ab
Liouoniensibus verò, licet nullas illorum terras occupauerint
Mosci, sed perpetuæ pacis vicininitatisque fœdere coniuncti ipsis
sint, tales occiduntur. Porro qui occidit, is vltra spolia cæsi, capit
à magistratu certam pecuniam, quippe parent Siracidi monenti,
ne vnquam credas inimico tuo, ne statuas eum iuxta te, ne con-
uersus stet in loco tuo, quibus consilij si & nos obsecundasse-
mus, non arces neq; prouincias Seuerenses amissemus. quibus-
cum defecerunt à nobis Mozaiski & Ossomacitz. hi enim rece-
pti inopes, descuerunt locupletes, aucti prouinciis administra-
tioni suæ creditis. Est namq; hoc hominum genus dolosum, &
perfidum, nusquam sincera fide vel animo firmo. reuersi in pa-
triam ducesque sui facti, vastarunt audacius regiones nostras. In-
ter perfugas Moscos, qui intempestis noctibus homines Vilnæ
contrucidabant, & ex carcere suæ gentis captiuos liberabant,
fuit vnus presbyter qui cancellariæ regiæ clandestinè quæsita
exempla fœderum, decretorum, consiliorum, ad suum Ducem
mittebat. alius Eucharistiam, de quadam virgine inter commu-
nicandum seruata, causamagicarum præstigiarum emit. & cum

Transfuga.

Mosci mali.

anno

anno 1529. omnis Vilna deflagraret, confestim hoc istud sagax
& sceleratum genus hominum, principi suo indicauit. vbi in
templo cathedrali diui Stanislai, plumbo tecti & fastigijs inau-
ratis, multisque vasis aureis, argenteis atque gemmis ornati, con-
flagrarunt antiqua vexilla, in victorijs acquisita Roxolanorum,
Moscorum, Alemanorum aliorumque populorum circiter tre-
centa, noua 12. quæ ibidem appensa erant, post victoriam de Mo-
scis ad Orlam 1514. 8. Septembris, natali die Mariæ virginis:
Cum cæsorum & captiuorum octoginta millia essent. Est enim
à vasto illo homine transfugæ redeunti etiam inani & inerti
constitutum præmium, seruo libertas, plebeo nobilitas, debito-
ri obærato absolutio, scelerato impunitas. Est nobis insignis arx
& oppidum Kiouia. quæ tamen vt aliæ, negligitur, ex cuius pro-
montorio multa alia videri loca, vulgatum est Roxolanorum
proverbium. Princeps aliarum arcium & prouinciarum, ad am-
nem sita, campestres & syluestres hinc inde attingens regiones,
habet fundos aded fertiles, & cultu faciles, vt duobus saltem ara-
ti bobus idq; semel germinent copiosissimè. inculti etiam her-
bas proferunt, radicibus & culmis cibantes hominem: & arbo-
res variorum nobiliumq; fructuum, atque vites, vix minimè a-
grestitis racemorum grandium: labruscæ vltro in ripis quibusdam
pullulant. Quercus & fagi veteres, vetustate excauatæ, examini-
bus apum & fauis, colore & sapore iucundissimis redundant.

De Kiouia.

Ferarum in syluis & campis tanta copia, vt bisontes, onagri, cerui, tantum pellium gratia macerentur, quorum caro ob nimiam
abundantiam omnis abiicitur, præter spinam dorsi pinguioris.
dame, apri contemnuntur. Dorcarum ea vis migrantium hyeme
è campis in syluas, & æstate in campos, vt tunc singuli rustici
mille occidant. Castores frequentissimi in ripis domicilia ha-
bent. Auium multitudo miranda, aded vt pueri verno tempore re-
pleant scaphas ouis anatum, anserum syluestrium, gruum, cy-
gnorum, deinde pullis earum referant viuaria. Aquilarum pul-
los caueis recludunt pennarum causa, sagittis aglutinandarum.

Ferarum multitudo.

Canes nutriunt carnibus ferinis & piscibus. nam incredibili
multitudine turionum aliorumque grandium piscium, ex ma-
ri sursum in dulces aquas ascendunt, scaturiunt amnes. quo-

E

*Ingens vis
piscium.*

rum aliqui aurei appellantur, Præsertim Pripiecz. qui certo quodam loco apud Mozir, ad ostia fluuioli Tur, recenti vnda è fontibus emanante, repletur quotannis ad Kalendas Martias, tanta piscium multitudine, vt hasta inter eos immissa hæreat ac perstet recta, perinde si terræ infixæ foret. tanta est piscium densitas. quod nec ego crederem, nisi sæpe vidissem hauriri illinc pisces absque intermissione, replerique eis mercatorum exterorum die vno mille circiter currus, qui ad statum illud & anniuersarium tempus illò conueniunt.

Borysthenes. Omnium autem qui ibi sunt fluuiorum, & maximus & fructuosissimus est Borysthenes, immensam copiam non piscium tantum sed aliarum etiam rerum Kiouiaë suppeditans. Cui ab Oriente supra Kiouiam iunguntur amnes Dessna, Siem alijsque è prouincia Sevvierienfi & Moscouia. à Septentrione verò, Occidente & Meridie, illabuntur in eum Sos, Berefina, Prypiecz, Slorzesnia, Vssa, Teterenv, Rpievv, aucti singuli fluuijs, Vechra, Propascz, Iputz, Drutz, Bobr, Titvva, Pezit, Slucz, Oressa, Stir, Horinia, Piena. fluunt & alij multi de terris Lituaniaë, Rulsiaë, Voliniaë & Moscouiaë, deorsum atq; iussum, per quæ omnia deuehuntur Kiouiam pisces, carnes, pelles, mel & sal ex lacunis Tauricensibus, Kaczibieiovv appellatis. vbi singulae naves implentur sale emto denis sagittis.

*Tartarorum
nau. gatio.* Est etiam Borysthenes omnibus Maiestatis vestrae prouincijs ad arcendos incurfus Tartarorum utilis. Nam & nauigantibus eo, infra Cerkassi obstant quædam limina vndecim locis, certa habentia nomina. hæc ardua & transuersa cautibus asperis eminent. quæ transiri nisi exoneratis nauibus non possunt, & propter excelsas & abruptas riparum rupes non potest accedi nec trajeci, nisi quibusdam locis infra Cirkassi. ea appellantur Kerméczik, Vpsk. Hierbedeievvro, Massurin, Koczkosz, Tovvani, Burhun, Tyachinia, Oczakovv. quæ loca vel parua manu nauali obfessa, arcet à transitu maximas Tartarorum copias. Nam cum tranant vt solent absq; nauibus, equis adnixi, & inermes & nudi: profligantur ab ijs qui armati, nauiculis prouit ex insulis, arundinetis atq; salicetis.

Sed vt habent Precopenses Borysthenem nostrum ætate sibi infestum,

infestum, ita hyeme commodum, quia tunc sublata nauigandi opportunitate, securè greges suos extra fossam in eiusdem amnis insulis & salicetis pascunt. Ideò illum melle & lacte fluere dicunt. quippe qui supra per nemorosos & apiferos, infra per campestres & pascuos means agros, suppeditet accolis lactis mellisque copiam. propterea ij persuasum habent, colenda sibi esse fœdera, & societatem seruandam cum magno duce Lituaniaë Borysthenis Domino. qui amnis torus à summo ad imum fluit, scilicet & oriens & occidens per terras ditioris verustæ Lituaniaë, iuxta arces à me perlustratas, Viazma, Dorohobusz, Smolensko, Dubrovno, Orssa, Mohilevv, Rohaczovv, Bihovv, Reczicza, Lubecz, Czornobil, Kiovv, Kanievv, Czerkassi & Dassovv, aliter Oczakovv. Vbi inuoluitur mari duodecim ostiis diuisus. quorum summitas dicitur Linien. Vnde haud procul ostia Dnestri, cognomen habent Vidouo, ab Ouidio poeta, qui ea in parte ponti exulasse creditur. Ita & Ilium seu Troiam quidam existimant fuisse in territorio Kiouienfi in campis fertilissimis, nemoribusq; amœnissimis. Vbi cernuntur monumenta, extantibus adhuc multis ruinis, fornicibus, cryptis, pavimentis marmoreis, & magnorum murorum reliquijs: qui locus pridem desertus, sed ad habitandum commodissimus, vocatur nunc Torgouitza.

Mercimonijs quoq; exoticis affluit Kiouia. Quidquid enim gemmarum, holoserici, auri filati, bombycis, thuris, thymiamatis, croci, piperis, aliorumque aromatum ex Asia, Perside, India, Arabia, Syria fertur in Septentrionem, Moscouiam Plescouiam, Nouogardiam, Sueciam, Daciam versus, non alia certiore, rectiore, & magis trita via quàm ea quæ à portu ponti Euxini, hoc est, ab vrbe Cassa, per portam Tauricæ, & Tovvani, traiectum Borysthenis, & inde per campos Kiouiam ducens, antiqua & sulcorum suorum profunditate notissima est. Solent enim illac crebro proficisci exteri mercatores plerunq; mille numero, aggregati in cohortes Korouani appellatas, cum multis carpentis onustis & camelis clitellatis, à quibus insigne telonium antiquitus pendebatur progenitoribus Sacrae Maiestatis Vestrae, in traiectu Borysthenis ad Touani. vbi etiam hodie extat camera lapidea fornicata integra, quam & nostrates & Tauricani & Græci,

*Arces ad Bo-
rysthenem.*

*Ouidii exi-
lium.*

*Iter merca-
torum O-
rientalium.*

*Pena for-
satorum.*

balneum Vitordinum vocant. aiuntque excubasse ibi publica-
num Magni Ducis Lituaniæ. qui telonium exigebat. quod si
quis non soluisset, aut scortatus esse deprehensus fuisset, is confi-
scatis Kiouia bonis omnibus, multabatur. quæ lex Ossimicz-
tyvo dicta, frænandæ salacitatis Saracenicæ causa sancita, & mul-
tis seculis seruata, haud pridem antiquari cœpit.

Quando verò mercatores duplicem Borysthenis traiectum
fugientes, nec telonium Maiestatis vestræ pendere volentes, o-
missa via antiqua ducente per ditionem Maiestatis vestræ, à por-
ta Tauricæ deorsum digrediuntur, rectà se campis inuis in Mo-
scouiam ad Putiul cōmittentes, vel ex hac redeunt, sit ut à qui-
bus suis spoliuntur, etiam à latrunculis ibi oberrantibus.

Tum verò multa lucrantur Kiouienſes Præſides, publicani,
mercatores, trapezitæ, naucleri, vectores, lixæ, caupones, nec an-
te hac de hoc querebantur, aut Moscus, aut Turca, aut Tartarus.
Verum & tum commoda percipiuntur ex his Korouanis, cum
interdum brumali tempore iter habentes per campos inuium,
aggeribus omnes obruuntur atque suffocantur.

Ita cōtingit ut tuguria Kiouienſia, alioquin satis superque fru-
gibus, fructibus, melle, abundantia & carnibus piscibusque, lorden-
tia redundant pretiosis sericis, gemmis, zobolis aliisque pellibus,
aromatibus, adeo ut viderim ibi sericum quam vilnæ linum, &
piper sale vilius esse. Est etiam scilicet & celebris Kiouia homi-
num affluentia, nam ad Borysthenem, & alios in eum influentes
amnes, multa sunt oppida populosa, plures villæ, quarum inco-
læ iam inde à puero assueſcunt natare, nauigare, piscari, venari:
quorum alij vel patriam potestatem, vel seruitutem vel laborem,
aut poenas vel æs alienum cæteraue fugientes: alij lucri vberio-
ris, locique celebrioris gratia, præsertim verno tempore, in eam
appellunt. Cuius arciumque infra eam sitarum experti delicias,
nunquam deinceps ad suos redeunt: ac breui tempore redun-
tur exercitiores, cominus vrsos, bisontesque feriendo. quibus
vitæ periculis assueti, sunt animosiores. proinde facilius ibi ha-
betur copia bonorum militum.

*Volodimi-
rus Mosco-
rum dux,*

Eadem fuit Rusiæ Moscouiæque ducum regia: in qua itidem
Christiani facti sunt, quæ nunc quoque Basilicas habet vetustas
è mar-

è marmore polito, & alijs exoticis materijs, sumptuose ædifica-
tas, plumbeis, æneis, quibusdā etiā inauratis laminis testas. Sunt
& monasteria opulentissima, maximè quod Beatæ Virgini Ma-
riæ consecratum est. id in suis cryptis & cuniculis subterraneis
habet multa sepulchra, in quibus sunt cadauera integra & arida:
quæ cum sanctorum esse credantur, magna veneratione à Ruthe-
nis coluntur. nam quæ ibi corpora sepeliuntur, eorum ab hoc a-
nimæ salutæ futuræ creduntur. propterea omni præstantiori ex
longinquis quoque locis nobilitati, & sumptibus & eleemosy-
nis magnis, sepulturæ ibi quæruntur. Seruat & Moscorum dux
non paruam pecuniam, quam ex fundis eiusdem monasterij in
suam potestatem redactis, singulis annis colligit. Sed reddere id-
eo differt, quod hanc sedem, quæ ipsi cordi est, magnopere ex-
petit, stirpem se esse Volodimiri hæredis Kiouia dictitans. non
minus dolent illius homines, quod non possideant tam anti-
quam stemmatum sanctuariorumque suorum cathedram.

Tot vrbis commoda, habent etiam sua incommoda. nam in-
colæ eius haud tuti sunt à Tartaris, ex insidijs terminos eius at-
tingentibus, tamen non tentant vi expugnationem illius. Est &
aduenis periculum à febribus ex diurno somno, & piscibus atque
fructibus auidius sumtis, prouenientibus: equis autem eorum ex
graminibus eluue pisculenti Borysthenis infectis. Segetes quo-
que sæpe corrumpuntur à locustis, ex maritimis locis venien-
tibus. Nascuntur ibidem ad aquas & in syluis, ut apum ita alio-
rum examina insectorum, sanguini insectorum, ut bru-
chorum, culicum, muscarum, potissimè
à Kalendis Iulij.

*ſic Chriſtia-
nus cum
ſuis Anno
988.*

Superſtitio.

Locuſta.





EPITOME FRAGMINIS
Decimi.

RELIGIO seu lex est communis Tartaris cum Turcis atque alijs Saracenis, quæ Iudaismum olet, & hæresim quandam Nestorianam. Deum vnicum & simplicem profitemur. Christum verò, sanctum Prophetam & iudicem mundi postremum, Virgine pura natum, sed non passum credit. Circumcisionem observat. Sed eam tam adulta ætate suscipit, qua Ismahel patriarcha illorum circumcissus erat. Orta autem hæc secta proditur in Mecha oppido Arabiæ, Anno salutis humanæ pene sexingentesimo, suggerentibus eam Iudæis, ibi post eversam Ierusalem degentibus, machinatione cuiusdam Sergii monachi & apostatæ nefandi, in perniciem Christianitatis. Ea edita per quendam Arabem idiotam, ingenii callidissimi, qui ex auriga vir & dominus vxoris suæ diuitis factus, ad principatum etiam inter suos aspiravit. quo conatu frustratus, se nuntium & prophetam Dei finxit, & idolatris Arabibus persuasit. Hæc lex quæ armis proferendam sibi esse existimant, adeò fabulosa est, ut finem bonorum & summam voluptatem statuatur in voluptatibus, quibus scilicet beati gustu, tactu cæteribusque sensibus exterioribus, in futuro seculo explendi sint. Et tamen barbari in tali errore pecuino iactant se Dei proximi que amore, & operibus, quibus placatur Divina Maiestas, nos excellere. eamque ob rem propitium sibi esse Deum pollicentur, suarumque rerum statum, ut est hominum vanitas, augustioris indies facturum sperant.

Nos autem Christianos ob magnam rerum diuinarum negligentiam, & quas alius alium afficit iniurias, iniquitates, vituperant, rident, barbaros, exleges, nomen saltem Christi gerentes,

non

Mahomet
legem fert
anno 621.

non legem eius præstantes, convitijs incessunt, & sua indignos communionem reputant. Iustitiam sanctè colunt. Religionem suam assiduo conatu propagant. Diem à precatione auspiciantur, & precibus finiunt. quotidie mane, vespere, & pomeridianis horis orant: nulla, quo id minus agant, necessitate auocari se sinunt. non id opus in solos sacerdotes reijciunt: etsi illos saltem à precatione & lege interpretanda habent. quilibet pro se tam clericus quam laicus pariter, & clam & coram hominibus turmatim in coetibus Deum confitentur. Semper sobrijs, aqua lustrali membra loti, terram in qua cum Deo loquuntur, imitati sacram scripturam pro sancta ducunt, & insternunt. nulli sedilibus in fanis vtuntur. characteres, præscriptos & certos gestus adhibent, palmas ad cælum expandunt, genua flectunt, incurvantes se vsque in terram, proni in faciem procidunt, toto corde & omnibus membris orationi incumbunt, in qua non valde multa verba repetunt, sed hæc precipua: *Soli Deo immortalis Creatori cæli & terra, præter quem non est alius, honor & gloria in secula seculorum.*

Carimonia
Turcica &
Tartarica.

Precationi adiungunt ieiunium. affligunt enim totos dies animas suas non solum fame & siti, sed ab omni opere & verbis profanis abstinentes, nihil præter diuina curantes vsque ad intempestam noctem, capientes cibum non ad luxuriam, sed ad virium refectiorem. Ridet ieiunia nostra non fame, non siti, non cinere, non rerum diuinarum contemplatione, non vigilijs, non orationibus condita.

Ieiunium.

Sunt & in eleemosynis dandis liberales. neminem enim suorum vnquam mendicari, aut fame vel algore perire patiuntur. Adhibent tamen in hac beneficentia iudicium. nam non dant ijs qui eleemosynam in ingluviem & luxum conuertant: sed pauperibus, debilibus, peregrinis, scholasticis, literis & ritibus Religionis ipsorum cognoscendæ studentibus.

Arcana diuina scrutari nefas prophanumque esse existimant, nostram temeritatem execrantes, quod quidam ex nobis de iudicijs & secretis diuinis, quæ magna abyssus vocantur, in suis commensationibus dispurent, nomen Diuinum frustra vlsurent.

Irridēt Tartari nostros Ecclesiast. seu prophetas, taxant tēpla su-

pellestilis, sediliorum, ararum, simulacrorum, & Dei ad senectutem vergentis, & mulierem venustarum, lasciuia mouentium plena, quibus in sedilibus honoratioribus molliter recumbant, cum res diuina agitur, dormiant. iidem obscurioris conditionis homines à confessu arceant, in templa multis cincti stipatoribus veniant, eosdem antese suam ostentantes superbiam stare sinant. at ne ipse quidem Tartarorum Tyrannus, ante quenquam apparitorem, stipatoremque in Synagoga stare, aut se præ vulgo illustriorem esse patitur. non vllam sedem querit, quanto maior est, tanto se humiliorem præstat.

Nos æris pulsu, illi certis laudis diuinæ verbis ab vociferationibus ad templa se inuitant: nos quod in laudibus diuinis aures delectemus nostras buccinis, organis, harmonijs, verba precationis obscurantibus, & organis interea nostris naturalibus silentibus, reprehendunt.

Sacerdotes.

Quos habent sacerdotes ij, nec auari sunt, nec ambitiosi, neque voluptatibus, aut acquirendis possessionibus dediti, multo minus negotijs secularibus implicati: sed sunt frugi, mansueti, modesti, officij sui studiosi, religioni intenti, qui tantum præcitant, & legem interpretantur.

Taxantur etiam sacerdotes nostri non solum ab Ethnicis sed à vicinis nostris Ruthenis, quod vinum, quæ est res luxuriosa, bibant, carnes manducant, neque habentes in se procreandi sibi simile appetentiam, vxores ducant. cum nemo continens esse, nisi id ipsi Deus dederit, queat. ab his abstinent cælibes monachi Græcorum. Porro habuisse antiquitus sacerdotes suas vxores, id ex multis Sacræ Scripturæ locis liquet. Leuit. 21. 3. Eisd. 9. Dan. 14. Ezech. 4. 4. Baruch. 6. Luc. 1. 10. 18. ad Titum 1.

Quod si nunc etiam nostri facerent, abstinendo ante triduum, cum vasa domini portanda essent: viuerent sanctius quam in fucato cœlibatu delicati epulones. quos vri semper libidine aut concubinas alere, id est, vt Sophonias dicit, sanctum polluere necesse est. Et tamen nos in istos mercenarios officium laudandi Dei, nobis scilicet graue, reijcimus: cum ij irritent potius suis prauis moribus, quam placent Deum, vices à nobis sibi delegatas, in vicarios negligentes reijciunt: ipsi interea ociosi & voluptatibus intenti,

intenti, vt fuci mel apum, sic isti labores populi comedunt, epulantur, seq; vestiunt splendide. ad munia Ecclesiastica, multa simul, nondum adulta ætate, nec sua natura perspecta, temerè aspirant. negotijs secularibus & profanis se immergunt.

Et licet olim sacerdotibus nefas erat habere partem possessionum cum populo Dei, præter Decimas: tamen nostri non contenti decimis, victimis, pro peccatis, primitijs, varijs quæstibus, quos à diuitibus, egentibus, nascentibus, nubentibus, ægrotantibus, morientibus, mortuis percipiunt: adhæc præter opima prædia, multarum simul Ecclesiarum regimina, iactura publica, contra ius & rationem appetunt. cum interim alibi potius quam in his Ecclesijs, ad quas vt dicit Dominus, non per ostium sed tanquam fures & latrones ingressi sunt, non vocati viuunt, eas laicis, negotiatoribus, lænonibus locent, vendant. multæ sunt, quæ nunquam viderunt suos pastores seu plebanos.

Si quis à Regni finibus fermè per omnem Lituaniam & Samagitiā atque Russiam, in Ecclesijs prouetuum adeo bonorum, vt vna multos alere queat, suos quærat pastores, nulla inuenietur in qua pastor assidue habitet, aut eam crebro inuisit. Ideo vacillat omnium fides, friget Dei amor, cessant diuinæ laudes. Contra tales verò multis locis detonant diuina oracula. Sed nolo me sacerdotibus, quibus nos & subijcere & ostendere debemus, post tot genera hominum à me lacesitorum reddere infensum. satis sit hæc recensuisse. quibus in meliorem statum redactis, viuamus beatius, cum laude vestræ Regiæ, sed in primis Diuinæ maiestatis.

FINIS

FRAGMINVM MICHALONIS
Lituani.

F



IOHAN. LASICII
Poloni,
DE DIIS SAMAGITARVM
CÆTERORVMQVE SARMATA-
rum, & falforum Chri-
stianorum.

Item,
DE RELIGIONE AR-
meniorum.



Amplitudo
regni Polo-
nici.

AMAGITIA mare attingit Balticum: cuius figura triangularis est. longitudo septuaginta milliarum Germanic. hanc separant fluij: à Prussia Nemel, ab Curlandia regione Liunica, Helingegau. quæ prouinciæ, aliæq; vsq; ad Borysthenem, in Pontum Euxinum illabentem, regis Poloniæ imperium agnoscunt. In ea regionis syluosæ parte, quæ ad Regiomontum, Academia, anno Christi 1544. 17. Augusti instituta, plurimum claret. Sunt antiqui Borussi: lingua, moribus ab ijs diuersi Germanis, qui hodie permixti Polonis, Prussiam incolunt.

Origo Sama-
gitarum.

Tradunt veteres, maiores Samagitarum, (Zamagitis enim se ipsi vocant) Italos fuisse. Neronem Imperatorem de bellica expeditione cogitatem, illos etiam exsules Romanos, qui in Giaros sterili quadam insula habitabant, euocare in militiam voluisse. Verum hos metu crudelitatis imperatoris consensu eorum à quibus bis terue euocabantur nauibus, ipsismet autem cæsis,
ad

ad Pontum Euxinum appulisse, dehinc per saltus, vbi olim Romana venatio fuit, quicq; hodie magna ex parte excisam, Ruffiæ, Podoliæ, Lituaniaq; cognomina habent, vsq; ad mare Balticum, quod Ruffi, à Varetzgois quibusdam populis Liuonicis, ^{Mare Va-} quibus tum parebant, mare Varetzgoie appellant, penetrasse. rei ^{retzgoie.} huius vt idololatriam, gentisq; calliditatem, Romanæ similem: ita sermonem ex Latino quodammodo, barbaroq; cõflatum, indicium esse. Michalo fragmine quinto de moribus Tartarorum, & suorum Lituanorum, paulò hæc aliter refert. ait enim, classis Iulij Cæsaris ex Gallia in Britanniam nauigantis partem, coortis tempestatibus, ad litus Samagiticum, vbi nunc est arx Ploteli, peruenisse, sæpeque etiam hodie in illud ipsum litus, ^{Ploteli arx} naues nauigantium, vi ventorum eijsi folere. vbi Lituanorum ^{Samagitica.} progenitores, periculorum maris pertæsi, & prædis onusti, in tabernaculis ad focos, more militari, & adhuc in eadem Samagitia recepto, habitarent. vnde vltius progressi, iaczuingos atq; Roxolanos subegerint. Haud absurda coniectura. Nam & Zamagitia, propter mare vicinum, & Lituaniam superiorem, terræ inferioris appellationem habet: & Lituanorū cum Samagitis idem propemodū sermo est, idem habitus, iidem mores, eadem ferme religio. Quæ regio cum aquilonalis sit, tam parua sunt in ea media æstate noctis tenebræ, vt radij solis occumbentis excipiant orientē, tumq; plurimum agricolæ segetes demetant suas. nempe quòd duab. ante meridiem horis, totidemq; post, solis æstus ^{Solis ingens æstus.} ferre in agris messorum nequeant. Et licet vix antè, quàm trib. post Pentecosten hebdomadis, agros consorant: tamen id ardor celestis efficit, vt eodem quo & apud nos tempore, messis fiat: æstas haud diu duret. similis in Moscouia feruor, (mirandam diuinam prouidentiam) sex hebdomadis, frugibus maturitatem adfert.

Secus sit in Irrlandia vltra Sueciam, sub ipso polo. ibi enim sex mēsum dies est, totidem est nox. cuius tenebras focus perennis dispellit. qui locus abest à Stokholm metropoli & regia Sueciæ, trecentis milliaribus Germanicis. Id Iohannes tertius, Rex Suecorum, qui nunc rerum potitur, cuiq; sua dictio bene nota est, cuidam medico, is autem mihi narrauit. Sita est Stokholm in ipso littore, trans mare Balticum, è regione Samagitia.

Solum Samagiticum fertile quidem est, sed cultores eius pigri, nec alii quam ligneis, superstitione quadam, in arando vtuntur vomeribus. Idcirco inopia panis laborant, cuius loco rapis tostis, quæ minori labore proueniunt, & instar humani capitis nascuntur, vesci soliti. His verò absumtis, ad panem comedendum se conuertunt. Mellis albi, lactis, butyri, pecoris diuites, pinguib. pascuis felices. Nec eis pisces desunt. Potus, hydromel & ceruisia est. Hæc in vasis, ex corticib. factis, positis intus saxis feruidis, ex aqua, frumento, lupulo, vna nocte cocta, protinus fæces accipit, posteroq; die bibitur. percommoda alui purgandæ ratio. Præcipui cornibus vrorum ornatis (boues sunt syluestres, valde feroces) pro poculis vtuntur: strenuos compotatores, cantharo hydromelis, indusio, mantili, manicis, sudariolo, seu re quauis alia operis domestici libenter donant. quib. ceruisia non est, ij aquam bibunt, proceri, agiles, animosi, robusti, ad arma prompti.

Ceruifia.

Samagitia
annosa.

Viunt autem vulgo centum annos. sunt enim frugales, & modicis exercitijs dediti.

Wladislai Iagiellonis Polonorum Regis opera, Anno humanæ salutis 1413. (Litvani autem 1387.) Christiana religione initiati sunt. quibus episcopum Miednicij præfecit. duodecim paræcos dedit. dandis pecunijs, pannis cæruleis, pileisq; rubris, iuxta montem Schattia, ad baptismum amplectendum illerxit. Vbi monacho regio, de mundo Adamoque à Deo creatis concionante, vnus illorum hisce verbis Regem compellauit: *Mentitur inquit, ô Rex, hic homo, non admodum senex, multi enim nostrum centesimum annum superauerunt: tamen hac minimè recordantur. eadem illis pueri quæ senibus cæli conuersio, eadem temporum vicissitudo, idem cursus & fulgor syderum fuit. Cui Rex, officio & ipse concionatoris fungens. Verum ais, inquit: nec falsum sacerdos, qui non sua etate, sed multis ante seculis mundum diuino mandatu ex nihilo extitisse dixit.*

Res pecuaria.

Rei pecuariæ adeo sunt studiosi, vt vnus agricola sexaginta, alius duplo plus, paullo minus alius cornuti pecoris, præter oues & caprasalat. Equi illorum paruuli: ob nimium opinor frigus: sed tamen robusti. quorum vno, Anno Domini 1554. duobus florenis Vlnæ in Lituania emto, & trahæ iuncto,

vestus

vestus sum cursu celeri vsque Cracouiam, 120. mil. Germanicarum. Fœminæ pecori curando, viri agris colendis dant operam. iidem deni aut viceni, plures vel pauciores, in vno tugurio linum, lanam, cannabim pectunt, nent, texunt, vestes conficiunt. Quicquid horum superest, id Rigam vel Regiomontum, hinc in Hollandiam, pretio tolerabili mittunt. lino enim maximè & cannabi, agros suos complent. Dispersè per syluas, campos degunt. rara oppida, nec pagos nimium multos, arces autem munitas nullas habent. quorum fenestræ meridiem versus spectant. Studio Sigismundi Augusti Regis, anno 1572. 7. Iulij mortui, in coetus & societates conuocari. Mapalia, quæ turres appellant, sursum angusta, atque quâ fumus & fœtor exeat, aperta, ex tignis, asseribus, stramine, corticibus faciunt. in his homines cum omni peculio, in pauimento tabulato stante, habitant. ita paterfamilias omnia sua in conspectu habet, & feram noxiam, & frigus à pecore arcet, ad ostium cubat, de astro foci custodia commissâ, ne vel ignis damnum domicilio det, vel prunæ nocte extinguantur. Vbi crebrò accidit, vt vel sus vel canis ex olla in foco stante, carnes auferat: aut rostrum, aqua feruente, lædat. Qui in pagis degunt, ii caulas separatas ab æstuariis habent. Tam hi quàm illi plumis concisis, culcitra farciunt. quæ non possunt non pun gere, & vigilantem reddere cubantem. Paterfamilias, mactatis autumnu aubus domesticis, iisque pecudibus ac bobus, quos se brumæ tempore non posse alere animaduertit, genio cum suis indulget: quæq; supersunt, ea doliis inclusa, maritimis vendit. foras egressus, alcem, aprum, ceruum, auem, sciurum, bombardam, venabulo, balista, arcu conficit. Sunt enim iaculatores & sagittarii præstantes. in quorum curribus nihil omnino ferri inuenias. omnia lignea, rotæ ex radicibus arborum inflexis, quas procul audias venientes, axibus, quod eas non illinant, stridentibus.

Linum.

Mapalia.

Fera.

Virgines.

Virgo nõ antè nubit, quàm triginta annos, aut minimum 24. expleat: & ipsa manibus suis, aliquot corbes vestium, omnibus eum sponso venientibus dispartendarum parat. tum enim dat singulis, vel indusium, vel mappam, vel mantile, vel texta è lana tibialia, vel chirortheas. hæc in agrum non prodir, ni prius pa-

rentibus inferuiat, & in omnibus morem gerat. idem facit filius. ac præmissi qui eam in matrimonium petat, primum omnium, num progenitoribus sit morigera, rei; familiaris studiosa, considerant. Et viri & foeminae, sunt amantissimi honesti, rarissima apud eos homicidia, furta, stupra, incestus. puella stricto persequitur cultro se ad impudicitiam sollicitantem. quæ duobus, ante & retrò pendentibus de zona tintinnabulis, nocte autem semper cum face incedit. quibus rebus monentur parentes, ubi sit, quid duc agat filia. Pater filio uxorem quærens, nec formam nec dotem spectat, satis esse ducens dotatam, si sit morata. quæ succi plena atq; adulta, magna cum lætitia, in domum soceri inducitur.

Pudicitia.

Præfati.

Præfectos, quos Ciuonias vocant, non adeunt, quin ipsis aliqua munuscula adferant. Summus toti regioni, dum viuit, præest Lituanicus Senator. hodie est vir eximius Iohan. Kiska Palatino Vitepscensi natus, inter eos qui minoris dignitatis sunt, fuit Iacobus Lascouius, Polonus nobilis, tractus Calissiensis, ex quo hæc percepi: qui in hisce hominibus piè erudiendis, & in certa loca cogendis, Sigismundi Augusti iussu, plurimum operæ impendit. cui Deum Vnum prædicanti, respondebant idololatæ: *Quid tu nobis Vnicum Deum, quasi omnibus nostris potentior inculcas? plus vno multi possunt, plura plures agunt.* Idem agros illorum ad 40. iugerum millia dimensus est, horum tria vni rustico assignata, præter alia minutiora commoda, quinq; florenos fructus annui Regi adferunt.

Sylva.

Iussi autem à Lascouio arbores excindere, inuitissimi id, nec prius, quam ipsemet inchoaret, fecerunt. deos enim nemora incolere persuasum habent. Sequitur persuasionem effectus. nam in syluis illorum horrenda quædam visa ac spectra, tam auribus, quam oculis spectantium sese offerunt. Tum vnus inter alios percontari, num etiam decorticare arbores liceret. annuente præfecto, aliquot magno nisu hæc repetens decorticauit: *Vos me meis anseribus, gallis, gallinaceis spoliastis: proinde & ego nudas vos faciam.* credebat enim demens deos rei suæ familiari perniciosos, intra arbores & cortices latere. Quorum tantus penè est numerus, quantus aliorum apud Hesiodum. Nam præter eum, qui illis est Deus Auxtheias Vissagistis, Deus omnipotens atq; summus, permul-

tos Ze-

ros Zemopacios, id est, terrestres ij venerantur, qui nondum verum Deum Christianorum cognouerunt. Percunos Deus tonitrus illis est. quem caelo tonante, agricola capite detecto, & succidiam humeris per fundum portans, hisce verbis alloquitur: *Percune deuaite niemuski vnd mana, dievnu melsu tavvi palsi mießu. Cohibe te inquit Percune, neue in meum agrum calamitatem immittas. ego verò tibi hanc succidiam dabo.* Verum postquam nymbus præterit, carnes ipse absumit. Percuna tete, mater est fulminis atque tonitru: quæ solem fessum ac puluerulentum, balneo excipit: deinde lotum & nitidum, postera die emittit. Audros deo, maris cæterarumque aquarum cura incumbit. Algis, angelus est summorum deorum. Ausca, dea est radiorum solis vel occumbentis, vel supra horizontem ascendentis. Bezlea dea vespertina, Breksta tenebrarum. Ligiczus, is Deus esse putatur, qui concordie inter homines, & auctor est & conseruator. Datanus donator est bonorum, seu largitor. Kirnis cærasos arcis alicuius secundum lacum sitæ curat. in quos, placandi eius causa, gallos mactatos iniiciunt, cæreosque accensos in eis figunt. nimirum sicut ille avarus Euclio apud Plaut. in Aul. ture ac corona laris gratiã aucupabatur:

Nunc rufculum emi, & hasce coronas floreas,

Hac imponentur in foco, nostro lari:

Vt fortunatas faciat nate nuptias.

Kremata porcorum ac suum est Deus. cui similiter focos excitant, & ceruisiam super eas fundunt. Pizio iuuentus, sponsam adductura sponso, sacrum facit. puellæ quoque quendam Gondu adorant & inuocant. Modeina & Ragaina sylvestres sunt dii: vti Kierpiczus huiusque adiutor Siliniczus, musci in syluis nascentis: cuius in ædificiis magnus apud illos est vsus. huic etiam muscum lecturi sacrificant. Tavvals Deus, auctor facultatum. Orthus lacus est piscosus quem colunt, quemadmodum & Ezernim lacuum Deum.

Sunt etiam quædam veteres Nobilium familiæ, quæ peculiares colunt deos. vt Mikutiana Simonaitem, Michelouiciana Sidzium, Schemietiana & Kiesgaliana Ventis Rekieziouum, alia alios. Kurvvaiczin Eraiczin agnellorum est deus; est & Gardunithis custos eorundem recens editorum. Prigirstitis hic est.

qui murmurantes exaudire putatur. iubent igitur ut quis sum-
misso murmure, hoc vel illud loquatur, ne clamantem Prigistis
audiat. Derfintos pacem conciliat. ut & Bentis is creditur, qui
efficit, ut duo vel plures simul, iter aliquod instituunt. Lavvkpati-
mo ituri aratum vel satum supplicat. Priparfcs est, qui augere
nescientes existimatur. Ratainicza equorum habetur deus, ut
Walgina aliorum pecorum. Kriksthos cruce in tumulis sepul-
torum custodit.

*Divinatio-
ni.*

Sunt & omnium auguriorum, diuinationumque obseruantes.
habentque Apidome mutati domicilij deum. nato cuiusvis gene-
ris, vel cæco vel debili pullo, actutum sedes mutantur. Quin i-
pse quoque rex Wladislaus, gente Lituanus, has à matre super-
stitiones didicerat, ut eum diem infaustum sibi futurum crederet,
quo primum calceum sinistrum fortuito accepisset, ad hoc mo-
uebat se interdum in gyrum stans pede vno, foras è cubili prodi-
urus. quorum similia multa obseruantur ab Samagitis. Ita olim
Germani, Plutarcho in Caio Cæsare teste, non ante prælium cum
hoste committebant, quam noua luna fulsisset. Et nostrum qui-
dam infelicitate se venaturos sibi persuadent, si domo egressis
mulier occurrat, seu quis certum numerum capiendorum lepo-
rum, vulpium, luporum nominet. Krukis suum est deus, qui reli-
giosè colitur ab Budraicis, hoc est, fabris ferrarijs. Lafdona uel-
lanarum, Babilos apum dii sunt, hunc Rusi Zosim cognomi-
nant. Sunt etiam deæ, Zemina terrestris, Austheia apum. utraque
incrementa facere creduntur: ac cum examinantur apes, quod
plures in alueos aliunde adducant; & fucos ab eis arceant, ro-
gantur.

*Mellis co-
pia*

Nusquam autem vel candidius mel est, vel minus cæræ habet.
vnde illæ massæ cæræ, quæ nauibus in Belgium, Galliam, Hi-
spaniam deportantur. Præterea, sunt certis agris, quemadmo-
dum nobilioribus familijs, singulares dei. videlicet Deuoiris a-
gri Poiurskij, Verustis Retovvskij, Guboi ac Tvverticos Sara-
kovvskij, Kirnis Plotelskij. Vielona Deus animarum, cui tum
oblatio offertur, cum mortui pascuntur, dari autem illi solent
frixæ placentulæ, quatuor locis sibi oppositis, paullulum discif-
sæ. eæ Sikies Vielonia pemixlos nominantur. Warpulis is esse
puta-

putatur, qui sonitum ante & post tonitru, in aere facit. Cæterum
quid agant Salas, Szlotrazis, Tiklis, Birzulis, Siriczus, Dvvar-
gonth, Klamals, Atlaibos, alijque eius generis, non libenter id
Christianis aperiunt. Opitulatores illos hominum esse, ideoque
invocandos persuasum habent. Numeias, vocant domesticos. ut
est Vblanicza deus, cui curæ est omnis supplex. Dugnai dea, præ-
est farinæ subactæ. Pesseias, inter pullos omnis generis recens
natos, post focum later. Tratitas Kirbixru, deaster est, qui scin-
tillas turgurii restinguit. Alabathis, quem linum pexuri in auxi-
lium vocant. Polengabia diua est, cui foci lucentis administra-
tio creditur. Aspelenie, angularis. Budintaia, hominem dormien-
tem excitat. Matergabia deæ offertur à femina ea placenta, quæ
prima è matra sumta digitoque notata, in furno coquitur, hanc
põst, non alius quam paterfamiliæ, vel eius coniux comedit. Si-
mili modo Rauguzemapati offerunt, posteaque ebibunt, pri-
mum vel ceruisiæ vel aquæ mulsæ, è dolio haustum, quem Nu-
laidimos, illum autem primum è massa exemptum panem, Tas-
vvirzis cognominant. Eidem ceruisiario deo offert, id est, præbi-
bit paterfamiliæ ceruisiæ, post fæces acceptas intumescens, spu-
mantem pateram, tum demum & alij hauriunt. Si is absit, mater
id familiæ facit. Luibegeldas diuas venerantes, ita compellant:
*Luibegelda per mare porire sekles gillie skaute. Vos dea transmisistis ad nos
omnia semina filiginea, in putamine glandis.*

*Dii dome-
stici.*

Eadem turba agrestis, ut est auctor Alexander Gvagninus, in
Sarmatia, sub finem mensis Octobris, frugibus, planè collectis, so-
lennè quoddam sacrificiū, eo modo celebrat. nam omnes ad sa-
cras epulas coacti, mensæ fœnum, postea panem, ac ex utraque par-
te duo vasa ceruisiæ plena imponunt. deinde adducta utriusque
sexus domestica animalia, sue, gallo, anseri, vitulo, & si quæ sunt
alia, hoc ritu mactant. primus augur, certa verba prolocutus, ani-
malis caput cæteraque membra fuste verberat: quem turba idem
agens, ac hæc dicens sequitur: *Hæc tibi ò Zemiennik deus, gratias agen-
tes offerimus: quod nos hoc anno incolumes conseruaueris, & omnia nobis ab-
unde dederis, idem ut & in posterum facias, te oramus.*

*Festum post
collectas
fruges.*

Antequam verò ipsi comedant, uniuscuiusque ferculi portiun-
culam abscisam, in omnes domus angulos, ista dicentes abijciunt:

Accipe o Zemienik grato animo sacrificium: atq; latus comede. tum de-
mum ipsi quoq; praelaure epulantur. qui ritus etiam in nonnullis
Lituaniae atq; Russiae locis observatur, ac Ilgi dicitur. fieri id sa-
crum Lascouius ait postridie festi omnium sanctorum. qui dies
est secundus Nouembris. quo die Samagita, Prussis, quibus erant
oppignerati, quiq; in terra ipsorum fuere, excisis, Vitoldo duci
Lituaniae, (qui diem obiit 1430. 27. Octob. Wladislai Iagiello-
nis, patruelis frater) sese ultro subiecerunt. Tertio post Ilgas die,
deum Vvaizganthos colunt virgines, ut illius beneficio, tam lini
quam cannabis habeant copiam. ubi altissima illarum, impleto
placentulis, quas Sikies vocant, sinu, & stans pede vno in sedili,
manuq; sinistra sursum elata, librum prolixum, vel tiliae vel vltimo
detractum (ex quo etiam calceos contexunt) dextra vero crate-
rem ceruiciae, haec loquens tenet: *Vvaizganthos deuaite auging mani
linus teip ilgies, ik mani, nie duok munus nogus eitbi. Wvaizganthos, inquit,
produc nobis tam altum linum, quam ego nunc alta sum; neve nos nudos
incedere permittas.* post haec craterem exhaurit (nam & foeminae
bibaces sunt) impletumq; rursus, deo in terram effundit, & pla-
centas e sinu eijcit, a dextris, si qui sint Vvaizgantho, comedend-
as. Si haec peragens, firma perstet, bonum lini prouentum anno
sequenti futurum, in animum inducit. Si lapsa, pede altero nita-
tur, dubitat de futura copia, fidemq; effectus sequitur. Iisdem fe-
riis, mortuos e tumulis ad balneum & epulas inuitant: totidem-
que sedilia, mantilia, indusia, quot inuitati fuerint, in tugurio
eam ad rem praeparato ponunt, mensam cibo, potu onerant. de-
hinc in sua mapalia reuersi, triduum compotant. quo exacto, illa
omnia in sepulcris, potu perfusis, relinquunt. tandem etiam ma-
nibus valedicunt. Interea haec ijaferunt, qui in syluis arbores
cineris causa, quo fullones transmarini carere nequeunt, combu-
runt, & asseres faciunt, navium materiam, in Oceanum mittend-
am, confimili huic errore, Christiani, seculo beati Augustini, in
coemiteriis apud memorias defunctorum, ut idem epistola 64.
ait, comestabantur.

*Linorum
superstitio.*

Veri quoq; Liouones hoc tempore, qui dura Germanorum ser-
uitute premuntur, monumentis mortuorum cibum, potum, se-
curim, & nonnihil pecuniae, hac cum naenia imponunt: *Transi in-*
quit

quit o miser ab hoc rerum statu, in mundum meliorem. Vbi non tibi Ger-
mani amplius, sed tu illis imperabis. habes arma, cibum, viaticum.

Cum autem nimia aetatis breuitas, fruges demessas, plane sic-
cari non sinat, fit hoc sub tectis ad ignem. Tum vero precandus
est illis hisce verbis Gabie deus: *Gabie deuaite pokielki, garunuleiski
kibixstu. Flammam inquit eleua, at ne demittas scintillas.*

Smik Smik Perleuenu. hunc deum Lituani vere araturi, vene-
rantur. prima agri lyra vomere facta, huius ipsius est. quam huic
qui illam duxit, toto anno transgredi haud licet: alioquin diuum
sibi infensum haberet.

Skierstuvves festum est farciminum. ad quod deum Ezagulis ita
vocant: Vielona velos atreik musmup vnd stala. *Veni, inquit, cum
mortuis, farcimina nobiscum manducaturus.*

Aitvvaros est incubus, qui post sepes habitat. id enim verbum
ipsum significat.

Kaukie, sunt lemures, quos Russi Vboze appellant: barbatuli,
altitudine vnus palmi extensi: ijs qui illos esse credunt conspi-
cui: aliis minimè. his cibi omnis edulii apponuntur. quod nisi fiat,
ea sunt opinione, ut ideo suas fortunas (id quod accidit) amit-
tant: nutriunt etiam quasi deos penates, nigri coloris, obesos &
quadrupedes, quosdam serpentes, Giuoitos vocatos. hos timore
perculsi, dum ex antris aedium ad pastum appositum prorepunt,
seque pasti in ea recipiunt, aspiciunt & colunt. Si quid infortuni
accidat cultori, serpentem malè fuisse tractatum censent.

*Lemures
palmares.*

Srutis, & Miechutele, colorum dii sunt: quos in syluis, colores
ad sanam tingendam quærentes venerantur.

Isti sunt pluresq; alij vulgi Samagitarum dii, quemadmodum
apostolus, Sunt inquit dii & domini multi, 1. Corin. 8. at Christia-
norum Vnus Deus est, Pater Filius & Spiritus Sanctus. in cuius
nomine sacrum Baptisma sumitur. & in quem, iuxta formulam
symboli Apost. creditur. qui personis discreti, essentia vnus sunt.
omnia quæ hæc mundi machina continet, fecerunt, neque post hæc
oriantur: Pater inquit meus usque adhuc operatur & ego operor.

Et tamen permulti sunt Christiani, qui hoc vnico omnipotenti
numine minimè contenti, & tam Samagitas quam veteres ido-
latras imitari, alios sibi ipsis adiutores inxerunt. Iohannes enim

*Dii falsarii
Christianorum.*

& Paulus superstitiosa opinione illorum, quæq; noxia à segetibus auerit. Ignis Agathæ, seu Vestæ datus est curadus. Florianus miles, incendia relinguit. ut quidem hæc lib. de Origine erroris recenset Bullingerus. Nicolaus, quasi alter Neptunus, maris curam gerit. idem à periclitantibus, iis vocibus excitatur: O sancte Nicolae, nos ad portum maris trahere. eidem sacella in littoribus consecratur. huius collega est, gigas Christoph. Canitur & B. Virginis, exortis procellis istud carmen: Ave maris stella, Dei mater alma. Et, Salve Regina misericordie, vita & spes nostra. ad te clamamus. Vino præest Urbanus. Rubiginem frumenti purgat Iodocus. Brucos depellit Magnus. Anseres curæ sunt sancto Gallo, oves Vendelino, equi Eulogio, boues Pelagio, porci Antonio. alia nomina in alijs regionibus, harum similiumq; rerum ficti curatores habent. Gertrudis mures à colis mulierum abigit. Literarum studiosi Catharinam Virginem Alexandrinam, veluti alteram Minervam, alii verò Gregorium, quasi Mercurium colunt, ac huius die festo primum, suos natos, in scholas mittunt. Pictores Lucæ, Medici Cosmam & Damianum, fabri Eulogium, calcearii Crispinum, Sacerdotes Gutmanum, figuli quendam Goarum, venatores Eustachium ciuem Romanum, scorta Aphram & Magdalenam inuocant. supplicant alij alijs, ac in periculis vitæ constituti, vota illis nuncupant: in hos tutelam sui reijciunt. Imploratur in pestilentia, ut olim Apollo, Sebast. in morbo Gall. Rochus in febre Petronella, in dolore capitis Ita: dentium Apollonia, in partu Margarita, quemadmodum quondam Iuno ac Lucina. Ioh. Euang. à veneno conseruat. Wolphgang. contra factorum Medicus est. Romanus Dæmoniacos soluit. Marcus mortem repentinam auerit. Martinus miseriam. quem & ego puer hisce verbis inelamabam: *Martine Sancte Pontifex. sis miserorum opifex. fer opem tuis famulis.* Leonhard. vinctorum compedes rumpit. Vincentius amissa restituit. Valentin. comitiali morbo laborantes sanat. quapropter nos epilepsiā, Valen. morbum vocamus. Susanna ignominia arcet. Otilia oculis aegrotorum medetur. collo præsidet Blasius, scapulis Laur. Erasmi venter est totus. Nicolao apud nos gregis est custodia iniuncta. Andreas, vigilia festi sui inuocat⁹ à ieiunis puellis, futuros illarum viros præmonstrat. Barbara à cædibus bellicis conseruat.

quocir-

quocirca tum à nostræ gentis hominibus in auxilium magnis clamoribus elicitur. inuocatur & virgo Maria. cuius carmen, Deipara vocatum, ab ijs qui in bellum proficiscuntur decantatur, legibus additum nostris. *Adeo etiam periculosissimis temporibus, Deus seruator omnium suo honore fraudatur.*

Præterea sunt patroni terrarum constituti, non diuina, sed humana voluntate. Stanislaus Polonorum, Albertus Prussorum, Nicolaus Moscorum, Martinus Germanorum, Iacobus Hispanorum, Dionysius Gallorum, Petrus, Paulus Romanorum, Marcus Venetorum, tres magi Colonienſium, Ambrosius Mediolanensium, virgo Maria & Ladislaus Hungarorum. quod etiam aurei nummi testantur. at quis non videt, quomodo ijs suas provincias tueantur?

Ridet hæc suauiter in Naufragio Erasmus Rot. minimè Lutheranus. Quamobrem tu, inquit, nullius diui præsidium implorasti? Quia spaciosum est cælum, respondet alter. Si cui diuo commendare meam salutem, puta sancto Petro, qui fortasse primus audiet, quod adstet ostio, priusquam ille conueniat Deum, priusquam exponat causam, ego iam periero. rectè adibam ipsum patrem, dicens: Pater noster qui es in cælis. nemo diuorum illo citius audit, aut libentius donat quod petitur.

Verum cum omnis historia quoquo modo scripta delectet, non pigebit lectoris causa de moribus nostrorum Sarmatarum plura adscribere. Hæc igitur Iohannes Melerius Archipresbyter Ecclesiæ Liccensis in Prussia, Anno salutiferi partus 1553. ad Georgium Sabinum poetam, litteris prodidit. quæ etiamnum multis in locis obseruantur. Die Georgij sacrificium faciunt Pergrubrio. qui florum, plantarum omniumque germinum deus creditur. Sacrificulus enim, quem Wurschaiten appellant, tenet dextra obbam ceruissæ plenam, inuocatoq; dæmonij nomine, decantat illius laudes. Tu, inquit, abigis hyemem. tu reduc is amœnitatem veris. per te agri & horti vigent, per te nemora & sylua frondent. hac cantilena finita, dentibus apprehendens obbam, ebibit ceruissam nulla adhibita manu: ipsamq; obbam, ita mordicus epotam, retro, supra caput iacit. quæ cum è terra sublata, iterum impleta est: omnes quotquot adſunt, ex ea bibunt ordine, atq; in laudem

Pergrubrij hymnum canunt. postea epulantur tota die & choreas ducunt.

Similiter, quando iam segetes sunt maturæ, rustici in agris ad sacrificium congregantur. quod lingua Ruthenica Zazinek vocatur, id est, initium messis. hoc sacro peracto, vnus è multitudine electus, messem auspicatur, manipulo demesso, quem domum adfert. postridie omnes, primò illius domestici, deinde cæteri quicunque volunt, messem faciunt. facta autem messe, solenne sacrificium pro gratiarum actione faciunt. quod Ruthenica lingua Ozinek, id est, consummatio messis dicitur. in hoc sacrificio, Sudini Borussiae populi, apud quos succinũ colligitur, capro litant. congregato namq; populi cœtu in horreo, adducitur caper. quem Vvurschaites mactaturus, imponit victimæ vtramq; manum, inuocatque ordine dæmones, quos ipsi deos esse credunt. videlicet Occopiruum, deum cœli & terræ, Antrimpum maris, Gardoeten nautarum, Potrympum fluuiorum ac fontium, Piluitum diuitiarum, Pergrubrium veris, Parguum tonitruum ac tempestatum, Pocclũ inferni ac tenebrarum, Pocollum aëreorum spirituum, Putscetum sacrorũ lucorum tutorem, Aufcũtum incolumitatis & ægritudinis, Marcoppolum magnatum & nobilium, Barstuccas, quos Germani Erdmenlin, hoc est, subterraneos vocant. His inuocatis, quotquot adsunt in horreo, omnes simul extollunt caprum, sublimemq; tenent, donec canatur hymnus. quo finito, rursus eum sistunt in terra. Tum sacrificulus admonet populum vt solenne hoc sacrificium, à maioribus piè institutum, summa cum veneratione faciant, eiusque memoriam religiosè ad posteros conseruent. Posthæc mactat victimam, sanguinemque patina exceptum dispergit; carnem verò tradit mulieribus, eodem in horreo coquendam. quæ interea dum caro coquitur, parant è farina siliginea placentas. quas non imponunt in furnum, sed viri focum circumstantes, hinc illinc per focum iaciunt absque cessatione, quoad indurescant & coquantur. his peractis epulantur atque helluantur tota die ac nocte, vsque ad vomitum. deinde summo mane extra villam progrediuntur. vbi reliquias epularum certo in loco

Inuocatio
deorum.

Victima.

loco terra operiunt, ne vel à volatilibus, vel à feris diripiantur. postea suam quisque domum reperit.

Cæterum ex omnibus Sarmatiæ gentibus, Borussia, Liouonibus, Samagitis, Russis, multi adhuc singulari veneratione colunt Putscetum, qui sacris arboribus & lucis præest. is sub sambuco domicilium habere creditur. cui passim homines litant, pane, ceruisia aliisque cibis sub hac arbore positis, precantes eum vt placatum efficiat Marcoppolum, deum magnatum & nobilium, ne graui seruitute ab illis premantur: vtque sibi mitrantur Barstuccæ, quibus in domibus ipsorum uiuentibus, credunt se fieri fortunatiores. His ipsi collocant Penates. vesperi in horreo super mensam, mappa stratum, panes, caseos, butyrum & ceruisiam. nec dubitant de fortunarum accessione, si mane hos cibos absumptos reperiant. Quod si aliquando intactus cibus in mensa remanet, magna anguntur cura, nihil non aduersi intuentes. Eadem gentes colunt spiritus quosdam visibiles, qui lingua Ruthenica Coltxi, Græca Cobili, Germanica Coboldi vocantur. Hos habitare credunt in occultis etiam ædium locis, vel in congerie lignorum. Nutriuntque eos lautè omni ciborum genere, eo quod afferre soleant altoribus suis frumentum, ex alienis horreis furto ablatum. Cum verò hi spiritus alicubi habitare atque aliquid cupiunt, hoc modo suam erga patremfamilias voluntatem declarant: in domo congerunt noctu segmenta lignorum, & multris lacte plenis imponunt varia animalium stercora. Quod vbi paterfamilias animaduertit, nec segmenta dissipauerit, nec stercora è multris eiecerit, sed de inquinato lacte cum omni sua familia comederit, tunc illi apparere permanereque dicuntur. Præterea Lituani & Samagitæ in domibus sub Serpentum. fornace, vel in angulo vaporarij vbi mensa stat, serpentes fouent. quos numinis instar colentes, certo anni tempore precibus sacrificuli, euocant ad mensam. Hi verò exeuntes per mundum linteolum conscendunt, & super mensam morantur. Vbi delibatis singulis ferculis, rursus discedunt, seque abdunt in cauernis. Serpentibus digressis, homines læti fercula prægustata comedunt, ac sperant illo anno omnia

prosperè sibi euentura. Quod si ad preces sacrificuli, non exierint serpentes, aut fercula apposita non delibauerint: tum credunt se anno illo subituros magnam calamitatem. Adhuc eadem gentes habent inter se fortilegos, qui lingua Ruthenica Burti vocantur. ij Potrumpum inuocantes, cæram in aquam fundunt, atq; ex imaginibus inter fundendum expressis, pronuntiant & vaticinatur, de quibuscunq; rebus interrogati fuerint. Noui ipse mulierculam, quæ cum diu reditum filij absentis expectasset, ex Borussia in Daniam profecti, cōsuluit super eo fortilegum. à quo edocta est, naufragio illum periisse. cæra enim in aquam fusa, expressit formam fractæ nauis, effigiem resupini hominis iuxta nauim fluitantis. Apud Samagitas est mons ad fluuium Neuuaßsam situs, in cuius vertice olim perpetuus ignis à sacerdote conseruabatur, in honorem Pargni, qui tonitruum & tempestatum potens esse, à superstitiosa gente adhuc creditur.

Hactenus de sacrificijs. nunc de ritibus nuptiarum ac funerum, non minus ridicula quàm superstitiosa narrabo.

Ritus nuptiales.

Apud Sudinos, Curonenses, Samagitas, & Lituanos nobiles puellæ multis in locis gestât tintinnabulum, quod funiculo alligatum, è cingulo dependet vsq; ad genua, nec ducuntur, sed rapiuntur, in matrimonium, veteri Lacedæmoniorum more à Lycurgo instituto. rapiuntur autem non ab ipso sponso, sed à duobus eius cognatis. ac postquam raptæ sunt, tunc primùm requisito parentum consensu, matrimonium contrahitur. Cum nuptiæ celebrantur; sponsa ter ducitur circa focum: deinde ibidem in sella collocatur. super quam sedenti, pedes lauantur aqua. qua lectus nuptialis, rota supellex domestica, & inuitati ad nuptias hospites consperguntur. Postea sponsæ os oblinitur melle & oculi teguntur velamine. quibus sic velatis, ducta ad omnes edium fores, iubetur eas attingere dextroque pulsare pede. ad singulas fores circumspergitur tritico, filigine, auena, hordeo, pis, fabis, papauere, sequente vno sponsam cum sacco pleno omnis generis frugum. Cumq; eam hic circumspergit, inquit, nihil defuturum sponsæ si religionem coluerit, remq; domesticam ea qua debet diligentia curauerit. His actis aufertur sponsæ velamen ab oculis, & conuiuium celebratur. Similis olim obnubendi ratio

capitis

capitis aptid Latinos, nuptæ nuptiarumq; nomen dedit. Vesperis sponsæ ad lectum deducendæ, absconduntur inter saltandū crines. tum ei à mulieribus imponitur sertum, albo lintheolo obvolutum. quod vxorib; gestare licet donec filium pepererint. rādiu enim se pro virginibus gerunt. ad extremum introducit in cubiculum: pulsataq; & verberata aliarum pugnis, non iratarum, sed nimia quadam læticia gestientium, in lectum iniicitur sponsoq; traditur. tum probellarijs afferuntur testiculi caprini vel vrsini. quib; illo nuptiali tempore manducatis, creduntur coniuges fieri foecundi. Eandem ob causam nullum animal castratum ad nuptias mactatur: Contrā in funeribus hic seruatur à rusticanis ritus: Defunctorum enim cadauera vestibus & calceis induuntur & erecta super sellam locantur, quibus assidentes propinqui perpotant ac helluantur. epōra verò ceruisia, sit hisce verbis lingua Ruthenica funebri lamentatio: *Ha lele i procz ti mene vmar! i za ti nie miel sz to iesti, abo piti i procz ti vmar! ha le le, i za ti nie miel Krasnoie mlo dzice? i procz ti vmar! id est, Hei hei quare tu mihi mortuus es? an non quod comederes vel biberes habuisti? quare mortem obisti? hei hei mihi, num formosa coniuge caruisti? cur diem obisti?* Hoc modo lamentantes enumerant ordine omnia externa mortui bona, liberos, oues, boues, equos, anseres, gallinas, ad quæ singula respondentes, occinunt hæc nœniam: Cum hæc habueris, quam obrem mortuus es? Lamentatione absoluta, dantur cadaueri munuscula. mulieri fila cum acu: viro lintheolum collo eius implicatum. Cum ad sepulturam effertur cadauer, pleriq; equis funus prosequuntur, & ad currum obequitant, quo cadauer vehitur. Strictisq; gladijs verberat auras, vociferantes, Geigeite begaite pekelle. Eia fugite demones in Orcum. Qui funus mortuo faciūt, nummos proijciunt in sepulchrum, futurum mortui viaticum. panem quoq; & lagenam ceruisiæ plenam, ad caput cadaueris in sepulchrum illati, ne anima vel sitiat vel esuriat, collocat. Vxor verò tam oriente quàm occidente sole, super extincti conjugis sepulchrum sedes vel iacens, lamentatur diebus triginta. Cæterum cognati celebrant conuiuia die à funere tertio sexto, nono & quadagesimo. ad quæ animam defuncti inuitant, precātes ante ianuam. Vbi tacite assident mensæ, tanquam muti, nec videntur cultis: ministrantibus

Parentalia.

Demonessugantur.

duabus mulieribus, sed absq; culeris, cibumq; hospitibus apponentibus. Singuli verò de vnoquoq; ferculo aliquid infra mensam abijciunt, quo animam pasci credunt, eiq; potum effundunt. Si quid fortè deciderat in terram de mensa, id non tollunt: sed defertis, ut ipsi loquuntur animis, quæ nullos habent vel cognatos vel amicos viuos, à quib. excipiantur conuiuio, relinquunt manducandum. Peraçto prandio, surgit à mensa sacrificulus, & scopis domum verrens, animas mortuorum cum puluere, tanquam pulices, hæc dicens eijcit. *Ieli, pili, duſſice, nu ven, nu ven, Edistis inquit, bibistis, anima, ite foras, ite foras.* post hæc incipiunt conuiuæ inter se colloqui & certare poculis, mulieribus viris præbentibus, & viris vicissim illis, seq; inuicem osculantibus. Hæc de parentibus paganorum, quorum & sanctus Augustinus sermone 15. de sanctis meminit: Miror inquit cur apud quosdam infideles hodie tam perniciosus error increuerit, ut super tumulos defunctorum cibos & vina conferant, quasi egressæ de corporib. animæ, carnales cibos requirant. epulas enim & refectiones, caro tantum requirit, spiritus autè & anima ijs non indigêt. Parare aliquis suis charis dicit, quod ipse deuorat, quod præstat ventri, imputat pietati.

DE RELIGIONE ARMENIORVM.



ARMENII à Thaddæo Apostolo, quem Christus ad Abgarum Regem Edeſſenorum, ut Eusebius lib. 1. historiæ tradidit, cum epistola ablegauerat, religionem Christianam se didiciſſe, arcam Noe sua in regione cõſediſſe, genusq; humanum in ea propagatũ eſſe gloriantur: Quod ut verum eſſe concedamus: fatendum eſt tamen, quædam illos, ut multos alios, minimè Apostolica in vſu habere. quæ rerum omnium conditio eſt, ut eæ procedente tempore, à ſua origine degenerent atque deſectant. Extat fidei illorum in Deum ſaris orthodoxa formula, ab Abdia Prætorio Latina facta, Vitebergæ typis edita. Nobis hic ſermo eſt de ijs, qui Leopoli in Ruſſia, vrbe regis Poloniæ, ſedes pridem fixerunt ſuas. Viri honeſti, humani, aperti, generoſi, oris liberi, ſed tamen cauti, elegantes, munda, locupletes, vultu nitidi, barbæ nigri, mercimonijs per orientales plagas dediti, in redimendis captiuis Chriſtiani nominis, & dan-

& dandis eleemoſynis liberales. habent Leopoli Episcopum: qui Anno nati mundi Seruatoris 1574. cum Conſtantinopoli eſſet, ego cum duobus ſacerdotibus (ſunt autem ſex) de Religione ipſorum collocutus ſum. à Papa Romano, inde à temporibus Calixti, nihil accipiunt: nec eum pro capite Eccleſiæ agnoſcunt.

Lingua vernacula, ſacra ſua obeunt. in liturgia Sacramentum eleuant: idemq; pro viuis & mortuis Deo offerunt ac in ciborio ægrotorum cauſa ſeruant. Proceſſiones, quas vocant, non cum ſacramento, ſed in memoriã Chriſti, qui huc atque illuc itabat, faciunt ac retinent. matrimonia ſacricolę hiſce verbis, *Quos Deus coniunxit, ne homo ſiungat*, confirmant.

In templis terna altaria habent. ad maius verſi ſeſe inclinant ſignoq; crucis ſignant. Liturgias ſacerdotes conducti prærio, ut conductoris mentio nominatim in eis fiat, celebrant. ante maius altare, itidem ut Ruſſi, vellum nigrum expandunt. vnde ij qui ſacris operantur, ad populum prodeunt. prope hunc locum, qui chorus appellatur, mares, ſceminę remotius ab eo ſuppllicant: At Ruſſi ſimul cum mulieribus, imagines vtrique colunt. Armeniorum crebrius quàm Ruſſorum ſacerdotes concionantur.

In Sacramento eucharistiæ, elementa naturas ſuas amittere negant. intinctum in calice panem ſimilagineum, plebi porrigunt. Aquam vino non miſcent. Sacramentum religioſius Ruſſis venerantur: perſuaſi Chriſtum eſſe in illo, qualem Maria peperit; incarnatione ſemel facta, talem naturæ diuinæ cum humana coniunctionem ſocietatemq; eſſe, ut eæ ne tum quoque cum pateretur, ſeparatæ fuerint, nec vnquam ſeparari poſſint. Chriſtum plus quiddam in liturgia pati, quàm in cruce perpeſſus ſit, ex Chryſoſtomo hauſerunt. id autem, corporis eius Sacramentalem fractionem dicunt. Quærente verò me ex illis, quo id fieret modo, ſiquidem naturæ panis & vini, etiam facta conſecratione, immutatæ permanerent: vi diuina, reſpondebāt, cui fides habenda ſit. Minus in eo ſunt religioſi Ruſſi. quorũ ſacerdos ex allatis in templum grandib. panibus (adfert autem vnus vir, vel vnum vel duos vel tres, quos plaſcuras vocant) orbiculum Sacramenti cauſa excindit, ac conſecrat. cuius panis eo exciſi modo ſit interdum tantus numerus, ut ſuperet capita ſumentium abijciaturq;

Oblationes.

à Sacricola mucidus in angulum, aut terra obruatur, vel in alium conuertatur vsum, quod Armenij vehementer improbant. Sunt & ieiunia Armenij duriora Russicis, nam præter diem Mercurij & Veneris, quibus solis leguminibus vescuntur, Russis pisces quoque addentibus, quotannis ter quadraginta dies ieiunant: si est ieiunium dicendum, quotidie semel edere. Mosis ieiunium ante natalem domini, Christi ante pascha, Eliæ ante festum crucis obseruant. Tempia in honoré sanctorum edificant. Beatam Mariam matrem Domini, ita ut alij mortales nascuntur, conceptam natamque esse: sed postea sanctam factam, & ut Dei mater fieret semperque illibata virgo maneret, persuasum habent. Patrem, Filium & Spiritum S. esse Vnum Deum: Spiritum à solo Patre ad Filium, ab hoc ad Ecclesiam procedere ac mitti credunt. Omnia Biblia scripta admittunt, præter quæ, alia quoque multa & Canonem sancti Iacobi, pro Apostolicis ducunt, non potuisse ad nos Occidentales multa ab Orientalibus scripta peruenire, sed apud se plura esse autumant. Baptisma sacrum in nomine Patris, Filij & Spiritus Sancti accipiunt: ad quod infantes admittunt.

Tria concilia approbant, Nicenum, Ephesinum, Constantinopolitanum: at Chalcedonense rei ieiuncto non admittunt.

Sacerdotes illorum quemadmodum Russorum, vxores ducunt. Attamen contenti eleemosynis, nullas possessiones tenent, nec artes mechanicas exercent. Quorum vnus à me de iustificatione hominis apud Deum, rogatus, respondit eam contingere operibus piis, videlicet precibus, ieiunio, eleemosynis, de quibus ipsiusmet Christi in Euangelio Matthæi præcepta exstarent. Eadem de re interrogatus iunior, sed sapientior, id responsi dedit, solum Christum vniuscuiusque credentis iustitiam esse, tamen homines pietati incumbere debere: ut ex fructibus arbor vel bona vel mala esse cognoscatur. Idem aiebant se ab Henrico Gallo rege, ducentos florenos annui salarii, ad leuandam inopiam petiisse: quos promissos, clandestinus eius è regno excessus,

(dies fuit vel potius nox 18. Iunij anni 1574.)

non fuit habere.

IOHAN-



IOHANNIS LASICII,
DE INITIO REGIMINIS
STEPHANI REGIS
fortissimi.

AD GENEROSISS. VIRVM,

D. lo. Gaieroski, Surrogatum & Vicecapitanum
Pofnaniensem.



ENRICO in patriam, morte Fratris cognita, nostris inscijs reuerso, (nox erat 18. Iunij, qua Cracouia excessit) sedecim menses consumti sunt, quibus nobis vanam spem sui reditus faciebat. Tandem indictis Varfauig, Regi constantiori legendo, 8. Nouemb. 1575. comitijs, pars Senatus non exspectato consensu Nobilitatis, cuius est magna apud nos auctoritas, MAXIMILIANVM IMPERATOREM 12. Decemb. pars Nobilitati adhærens, à Germano, metu Turcarum bellum minitantium abhorrenti, STEPHANVM BATORIVM de Somlio, Voiuodam Transylvaniæ Regem perendie pronuntiat. fit confestim ingens dissensio. Sed Equestris Ordinis consentientis, potiores fuere partes, ac dum cunctatur, accitus à suis bonus MAXIMILIANVS, dissidio intestino permotus: aduolat Cracouiam STEPHANVS, longo per Valachiam circuitu facto, 17. Aprilis, 1576. quingentorum ferè equitum Hungarorum, mille peditum iaculatorum comitatu stipatus, vir ad regendam, vel maximam Rempublicam natura factus. Is coronandus Kalend. Maij,

Duo Reges
creati.

Stephanus
coronatur.

matrimonium contrahit cum ANNA SIGISMUNDI PRIMI filia, quam CÆSAR ducere non potuit. paucis post horis, diadema Regium ab Episcopo accipit Cuiaviensi, quod Archiepiscopus Gnesnensis cum Cæsare faceret. prius tamen iurat in leges omnium Regni Ordinum, ac in cōmune fœdus, pacis inter dissentientes Religione conseruandæ.

Cæsariani
mucans con-
silia.

Quarto ab hinc die, legati Lituanorum, Imperatorias partes tuentium audiri. deinde diuersæ factionis senatores, per literas commonefacti, ut Rege iam Dei voluntate coronato, ea sponte sequerentur consilia, quæ tranquillitatem reipub. adferrent, contraria vitarent. 22. die arcem Landscoronam, præfecturæ Alberti Laski Cæsari addicti, quassatis eius muris, per deditionem capit. 29. Varšauiam iter capessit, ad disturbandum postremum Cæsarianorum concilium, concordie cuiusdam causa ab Archimysta, primas in Regno tenente, indictum. mirabilis tum fuit Cæsaris fautorum ad Regem transicio, & varij redeundi in gratiam modi.

Data omnibus venia. Quod in libera Repub. nefas foret non esse libera suffragia. Deo id beneficium vindicatum, quod animis incolarum magnopere exasperatis, res ad arma non venit. Varšauie Lituanis Rex, & hi vicissim Regi, fidem suam sanctè obstringunt. Tum visa Tikocini SIGISMUNDI AVGVSTI relicta gaza. 26. die mensis Augusti Toroniam venit: penultimo Prussos ad dandum iusiurandum pellicit: breui post Alberto Fridricho Duce in Prussia hos secuto, soli Dantiscani Cæsari, diutius cæteris adherentes, debita obsequia negabant; quibus rex, immisis iam ante in territorium illorum cohortibus, non paruam calamitatem intulit.

Cæsar diem
obit.

Interim MAXIMILIANVS, loco regni Sarmatici, 12. Octob. cœleste accipit. quæ ipsi dies finem molestiæ attulit ob heroem Batorium, in regno sibi prælatum. Rex prima, sex hebdomadarum comitia, tercio Decemb. absoluit. in quibus vniuersalis expeditio contra quemuis hostem patriæ constituta, bellum aduersus Dantiscanos. 25. Sepemb. Mariæburgiæ, regia sententia perduelles appellatos, decretum. priuata auxilia à senatoribus promissa.

Vidimus

Vidimus hic captos ab Hungaris Dantiscanorum Germanos pedites vendi denis florenis, alios pluris vel minoris. Inde Bidgostiam animo in bellum Moscoiticum intento digressus, ductis secum Ferbero & Rosenbergio consulibus, nihil non tentauit, ut Dantiscanum negotium absque Martis alea transigeretur. 25. Ianu. 1577. ad 40. capita petitionis ipsorum clementer respondit, & quæ potuit, concessit. At cum postulata superbiora de singulari in leges illorum iureiurando, & oneribus quibusdam, non expectato Comitiorum generalium tempore tollendis, id impedirent: bello 11. Febru. legitimè denunciato, frangendam esse ciuium mœnibus fidentium contumaciam statuit. Itaq; egressos portis 16. April. permultos, perendie factò conflictu 4.427. cædit, mille capit. è suis, quorum dux erat Io. Sborouius, solum 58. paulò pluribus sauciis amittit. 19. Maij Synodus Ecclesiasticorum habita Petricouie sancit, Anathema illum esse, & officio beneficioq; omni priuari debere, qui fœdus Interregni tempore 28. Ianuarij 1573. ad Varšauiam, reclamantibus ordine Ecclesiastico, & quibusdam Catholicis politicis, de pace inter Pontificios & Lutheranos, perpetuò seruanda initum approbarit, defenderit eiq; consenserit. Rex Dantiscanos in proposito persistentes 12. Iuni obsidet. durauit tres menses obsidio, tam obseis (licer fortiter se tuentibus) quàm obsidentibus, non nihil attritis. Tandem per legatos 12. Principum Germaniæ 9. Decembris pace conciliata, oppugnari, imperium regis, leges illorum omnes approbantis, & religionis Lutheraniæ vsum, ut omnibus alijs permittentis, agnoscunt, ducenta & viginti florenorum millia eidem intra quinquennium numerant. nihil in agro illorum erat, quod non miles biennij propemodum spatio corruperit. proinde magno illis isthæc peruicacia, ab irato peccatis Deo immissa, constitit. Deinde Rex, pacato statu Russiæ, superioribus mensibus incursionem Tartarorum conturbatæ, 14. Octob. 1578. Leopoli Cracouiæ redit: amicitie cum Danis, Suecis ac vicinis Germanis iungendæ studet. nihil aliud magis animo volens, quàm ut Moscos, Lituanis iniurios, coërceret. Siquidem hac cōditione Rex creatus, ut à Moscis occupata recuperaret, terminos regni prolataret, & ipse bella gereret.

Bellum Dan-
tiscanum.

Confedera-
tio.

Conditioes
Regis creati.

Inter hæc nouum tribunal, quod regem in bellis occupatum curis leuaret, & Petricouiae maiorum Polonorum causa, & Lublini minorum, voluntate omnium instituitur: & nuncij de tanta strage Moscorum ad Kieffum arcem Liuonicam 24. Octobris, ductore Sapieha, adferuntur, vt in fugam versi, viginti tormenta grandia victori reliquerint. rursus solum eorundem ad 30. miliaria Germanica, prope Kerepetz & Derpt, duce copiarum Christophoro Radziuilo, mense Februario 1579. euastatum, magnam militi prædam peperit. Quocirca Rex, eiusmodi successu animatus, egressus Cracouia in Lituaniam, Polotz co arcem munitissimam, 30. Augusti hosti adimit. nec maiori negotio capit cæteras, videlicet Crassne, Sirno, Cossian, Turovva, Socol, Sossa, Sieuies, Niscerna. Cæterum, quò vires maiores audendi maiora facinora haberet, reuertit Varlauiam ad Comititia 22. Nouembris, relictis in confinibus Mosciis, cum exercitu Polono, Mielecio Podoliae Voiuoda: cum Lituano, Radziuilo Vilnensi itidem Voiuoda, viris expertæ fidei ac virtutis. Venerunt eodem legati Cæsaris Rudolphi, actum de fœderibus, quæ nobis sunt antiquitus cum familia Austriaca, dimissi voti compotes 21. Ianuarij 1580. Exacto viritim tributo, conscripta sunt 60. amplius selectissimorum miliaria, æstate ad Czastnicum, 43. ultra Vilnam miliaribus lustrata. quibus per loca aquosa traducendis, pons est talis fabricatus, qui sex horis cuius fluuij, 80. nauibus subiectis, imponi, totidemq; tolli potest. hæc nunc copiæ, imperatore Ioanne Zamoiscio, Regni Cancellario litteratissimo, longè lateque effusæ, Moscouiam populantur, erepta fœliciter recuperant, iniurias vlciscuntur. nam res, nec per arbitros decidi, nec per conditiones componi potuit. 14. Martij anni superioris, Mosco pacem per legatos Cracouiam missos, & superbè se gerentes perenti, nunciari Rex iussit. redderet prius oues lupus deuoratas, tum demum pacem speraret. Habes lector pauca de inclyto rege Stephano, felici sydere electo: vt finis præfationi responderet.

copiosius hæc, si vita supperet, singulari scripto persecuturi.

FINIS.



Polotz co
capta.

Initium bel
li Mosci.

